

世家卷四之九

卷四

燕召公

卷五

管蔡

卷六

陳杞

卷七

衛康叔

卷八

宋微子

卷九

晉

# 史記

卷四十四

之三十六



史記卷三十四

燕召公世家第四

漢 太史令 龍門 司馬遷 撰

宋 中郎外兵 參軍 河東 裴駰 集解

唐 國子博士 弘文 學士 河內 司馬 貞 索隱

唐 國子 博士 弘文 學士 河內 司馬 貞 索隱

皇明 朝 列大夫 國子 監 祭酒 臣 劉應秋

勅重 修 承直 郎 國子 監 司業 臣 楊道 賁 等 奉

皇明 朝 列大夫 國子 監 祭酒 臣 吳士元

旨重 修 承德 郎 司業 仍 加 俸 一 級 臣 黃 錦 等 奉

召公奭與周同姓姬氏 燕周曰周之支族食邑於召

內采地奭始食於召故曰召公或說者以為文王受命

取岐周故墟召地分爵二公故詩有周召二南言皆在

岐山之陽故言南也後武王封之北燕在今幽州薊縣

故城是也亦以元子就封而次子留周室代為召公至

宣王時召康 周武王之滅紂封召公於北燕 世本曰居

公虎其後也 北燕宋忠

萬曆二十六年刊

史記卷三十四

一





曰有南燕其在成王時召公為三公自陝以西召公主

之自陝以東周公主之弘農陝縣是也成王既幼周

公攝政當國踐阼召公疑之作君奭孔安國曰尊之曰

以名君奭不說周公馬融曰召公以周公既攝政致太

不說以為周周公乃稱湯時有伊尹假于皇天孔安國

公苟貪寵也周周公乃稱湯時有伊尹假于皇天孔安國

扈假于上帝坐咸治王家孔安國曰伊陟臣扈率伊尹

天之功不隕巫咸治王家言其不及二臣馬融曰道至

在祖乙時則有若巫賢孔安國曰時賢臣有如此在武

丁時則有若甘般孔安國曰高宗即位率維茲有陳保

又有殷徐廣曰一無此九字駟案王肅曰循於是召公

乃說召公之治西方甚得兆民和召公巡行鄉邑有棠

樹正義曰今之棠梨樹也括地志云召伯廟在洛州壽

其樹後人懷其德因立廟決獄政事其下自侯伯至庶

人各得其所無失職者召公卒而民人思召公之政懷

棠樹不敢伐歌詠之作甘棠之詩自召公已下九世至

惠侯索隱曰並國史先失也又自惠侯已下皆無名亦

耳燕四十二代有二惠侯二釐侯二宣侯燕惠侯當周

厲王奔彘共和之時惠侯卒子釐侯立正義曰是歲周

宣王初即位釐侯二十一年鄭桓公初封於鄭三十六



年釐侯卒子頃侯立頃侯二十年周幽王淫亂為犬戎

所弑秦始列為諸侯二十四年頃侯卒子哀侯立哀侯

二年卒子鄭侯立索隱曰謚法無鄭鄭或名鄭侯三十六年卒子

繆侯立繆侯七年而魯隱公元年也十八年卒子宣侯

立索隱曰譙周云系本謂燕自宣侯已上皆父子相傳故無所疑相侯已下並不言屬以其難明故也按今

系本無燕代系宋忠依太史公書以補其闕尋徐廣作音尚引系本蓋近代始散逸耳宣侯十三

年卒子相侯立徐廣曰古史考曰世家自宣侯已下不說其屬以其難明故也相侯七

年卒系本日相侯徙臨易宋忠曰今河間易縣是也子莊公立莊公十二年齊

桓公始霸十六年與宋衛共伐周惠王惠王出奔溫立

惠王弟頹為周王譙周曰按春秋傳燕與子頹逐周惠王者乃南燕姑姓也系家以為北燕

失之索隱曰譙周云據左氏燕與衛伐周惠王乃是南燕姑姓而系家以為北燕伯故著史考云北燕是姑

姓今檢左氏莊十九年衛師燕師伐周二十年齊伐山

戎傳云執燕仲父三十年齊伐山戎傳曰謀山戎以其

病燕故也據傳文及此記元是北燕不疑杜君妄說仲

父是南燕伯為伐周故且燕衛俱是姬姓故有伐周納

王之事實若姓燕與衛伐周則鄭何以獨伐燕而不伐衛乎十七年鄭執燕仲父而

內惠王于周二十七年山戎來侵我齊桓公救燕遂北

伐山戎而還燕君送齊桓公出境桓公因割燕所至地

予燕正義曰予音與括地志云燕留故城在滄州長蘆縣東北十七里即齊桓公分濟割燕君所至地與

燕因築此城故名燕留使燕共貢天子如成周時職使燕復脩召

公之法三十三年卒子襄公立襄公二十六年晉文公

為踐土之會稱伯三十一年秦師敗于殽三十七年秦



穆公卒四十年襄公卒相公立相公十六年卒索隱曰

系家襄伯生宣伯無相今檢史記並有相公立十六年又宋忠據此史補系家亦有相公是允南所見本異則

是燕有三相公也宣公立宣公十五年卒昭公立昭公十三年

卒武公立是歲晉滅三郤大夫武公十九年卒文公立

文公六年卒懿公立懿公元年齊崔杼弑其君莊公四

年卒子惠公立惠公元年齊高止來奔六年惠公多寵

姬公欲去諸大夫而立寵姬宋大夫共誅姬宋索隱曰

也或作宗劉氏云其父兄為執政故諸大夫共滅之惠公懼奔齊四年齊高偃如

晉請共伐燕入其君晉平公許與齊伐燕入惠公惠公

至燕而死索隱曰春秋昭三年北燕伯欵奔齊至六年又云齊伐北燕一與此文合左傳無納欵之

文而云將納簡公晏子曰燕君不入矣齊遂受賂而還事與此乖而又以欵為簡公簡公後惠公四代則與春秋經傳不相協未可強言也燕立悼公悼公七年卒共公立共公五

年卒平公立晉公室卑六卿始彊大平公十八年吳王

闔閭破楚入郢十九年卒簡公立簡公十二年卒獻公

立索隱曰王邵按紀年簡公後次孝公無獻公然紀年之書多是偽謬聊記異耳晉趙鞅圍范

中行於朝歌獻公十二年齊田常弑其君簡公十四年

孔子卒二十八年獻公卒孝公立孝公十二年韓魏趙

滅智伯分其地索隱曰按紀年智伯滅在成公二年也三晉彊十五年孝

公卒成公立成公十六年卒索隱曰按紀年成侯名載湣公立湣公

三十一年卒釐公立索隱曰年表作釐侯莊徐廣云一無莊字按燕失年紀及其君名表



言莊者是歲三晉列為諸侯索隱曰按紀年作文公二

而三晉命邑為釐公三十年伐齊敗于林營索隱曰林

諸侯與此不同釐公卒索隱曰紀年作簡公四十五年

立營故曰林營相公立相公十一年卒索隱曰

則此當是釐但是歲秦獻公卒索隱曰

止文公為閔公則潘與閔同秦益疆文

公十九年齊威王卒二十八年蘇秦始來見說文公文

公卒太子立是為易王易王初立齊宣王因燕喪伐我

取十城蘇秦說齊使復歸燕十城十年燕君為王索隱

正義從足從秦惠王以其女為燕太子婦二十九年文

友長丁丈反蘇秦與燕文公夫

人私通懼誅乃說王使齊為反間欲以亂齊孫子兵法

因敵間而用之者也幾軍之所欲擊城之所欲攻人之

所欲殺必先知其守將左右謁者門者舍人之姓名令

吾之間必索敵間之來間我者因而利導舍之故反易

王立十二年卒子燕噲立燕噲既立齊人殺蘇秦蘇秦

之在燕與其相子之為婚而蘇代與子之交及蘇秦死

而齊宣王復用蘇代燕噲三年與楚三晉攻秦不勝而

還子之相燕貴重主斷蘇代為齊使於燕索隱曰按戰

使蘇代侍質子於齊燕王問曰齊王奚如對曰必不霸

齊使代報燕是也燕王問曰齊王奚如對曰必不霸

燕王曰何也對曰不信其臣蘇代欲以激燕王以尊子



之也於是燕王大信子之子之因遺蘇代百金

正義曰

以一鎰為一金孟康云二十四兩曰鎰

而聽其所使鹿毛壽

徐廣曰一作鹿毛又曰甘

陵縣本名厝○索隱曰春秋後語亦作厝毛壽又韓子作潘

謂燕王不如以國讓相

子之人之謂堯賢者以其讓天下於許由許由不受有

讓天下之名而實不失天下今王以國讓於子之子之

必不敢受是王與堯同行也燕王因屬國於子之子之

大重

索隱曰大重謂尊貴也

或曰禹薦益已

索隱曰以已配益則益已是伯益而經傳

無其文未知所由或曰已語終辭

而以啓人為吏

索隱曰人猶臣也謂以啓臣為益吏也

及老而以啓為不足任乎天下傳之於益已而啓與交

黨攻益奪之天下謂禹名傳天下於益已而實令啓自

取之今王言屬國於子之而吏無非太子人者

索隱曰此人亦

訓臣也

是名屬子之而實太子用事也王因收印自三百

石吏已上而效之子之

索隱曰鄭玄云效呈也以印呈與子之

子之南面

行王事而噲老大聽政顧為臣

索隱曰顧猶天也

國事皆決於

子之三年國大亂百姓恫恐

索隱曰恫猶痛也民皆恐懼

將軍市被

赴之破燕必矣齊王因令人謂燕太子平曰寡人聞太

子之義將廢私而立公飭君臣之義

正義曰飭音勅

明父子之

位寡人之國小不足以為先後

正義曰先後並去聲

雖然則唯太

子所以令之太子因要黨聚眾將軍市被圍公宮攻子



之不克將軍市被及百姓反攻太子平將軍市被死以

徇因構難數月死者數萬衆人恫恐百姓離志孟軻謂

齊王曰今伐燕此文武之時不可失也索隱曰謂如武

伐紂之時然此王因令章子將五都之兵章子齊人見

語與孟子不同曰五都即齊也按以因北地之衆以伐燕索隱曰北地

也士卒不戰城門不閉燕君噲死齊大勝燕子之亡徐廣

曰年表云君噲及太子相子之皆死駟案二年而燕人

共立太子平是為燕昭王徐廣曰噲立七年而死其九

相子之皆死紀年又云子之殺公子平今此文云立太

子平是為燕昭王則年表紀年為謬也而趙系家云武

靈王聞燕亂召公子職於韓立以為燕王使樂池送之

表既誤而紀年因之而妄說耳燕昭王於破燕之後即位卑身厚幣以

招賢者謂郭隗曰齊因孤之國亂而襲破燕孤極知燕

小力少不足以報然誠得賢士以共國以雪先王之恥

孤之願也先生視可者得身事之郭隗曰王必欲致士

先從隗始况賢於隗者豈遠千里哉於是昭王為隗改

築宮而師事之樂毅自魏往鄒衍自齊往劇辛自趙往

士爭趨燕燕王吊死問孤與百姓同甘苦二十八年燕

國殷富士卒樂軼輕戰於是遂以樂毅為上將軍與秦

楚三晉合謀以伐齊齊兵敗湣王出亡於外燕兵獨追

萬曆二十六年刊

史記卷三十四 世家 二十一



北入至臨淄盡取齊寶燒其宮室宗廟齊城之不下者

獨唯聊莒卽墨索隱曰按餘篇及戰國策並無聊字其餘皆屬燕六歲昭

王三十三年卒子惠王立惠王為太子時與樂毅有隙

及卽位疑毅使騎劫代將樂毅亡走趙齊田單以卽墨

擊敗燕軍騎劫死燕兵引歸齊悉復得其敗城湣王死

于莒乃立其子為襄王惠王七年卒索隱曰按趙系家惠文王二十八年

燕相成安君公孫操弒其王樂資以為卽惠王也徐廣按年表是年燕武成王元年武成卽惠王子則惠王為成安君弒明矣此不言者燕遠諱不告或太史公之說踈也韓魏楚共伐燕燕武成

王立武成王七年齊田單伐我拔中陽十三年秦敗趙

於長平四十餘萬十四年武成王卒子孝王立孝王元

年秦圍邯鄲者解去三年卒子今王喜立索隱曰今王猶今上也

作金者非也按謚法無金今王喜四年秦昭王卒燕王命相栗腹約

歡趙以五百金為趙王酒還報燕王曰趙王壯者皆死

長平其孤未壯可伐也王召昌國君樂間問之對曰趙

四戰之國正義曰趙東隣燕西接秦境南錯韓魏北連胡貊故言四戰其民習兵不

可伐王曰吾以五而伐一人索隱曰謂以五一人而伐一人對曰不可燕

王怒羣臣皆以為可卒起二軍車二千乘栗腹將而攻

鄒徐廣曰在常山今曰高邑○索隱曰鄒氏音火角反一音昊卿秦攻代正義曰今代州也

國策云廉頗以二十萬遇栗腹於鄒樂乘以五萬遇慶秦於代燕人大敗與此不同也唯獨大夫

將渠謂燕王曰索隱曰人名姓也一云上卿秦及此將渠皆卿將官秦渠其名也國史變文而

萬曆二十六年刊

萬曆二十六年刊

萬曆二十六年刊



書遂失姓爾戰國策云慶秦慶是姓也卿其官耳與人通關約交以五百金飲

人之王使者報而反攻之不祥兵無成功燕王不聽自

將偏軍隨之將渠引燕王綬止之曰王必無自往往無

成功王蹙之以足將渠泣曰臣非以自為為王也燕軍

至宋子徐廣曰屬鉅鹿趙使廉頗將擊破栗腹於鄣破卿秦樂

乘於代索隱曰戰國策曰廉頗以二十萬遇栗腹於鄣樂乘以五萬遇慶秦於代燕人大敗與此不同

樂間奔趙廉頗逐之五百餘里圍其國燕人請和趙人

不許必令將渠處和燕相將渠以處和以將渠為相○索隱曰謂欲令

將渠處之使和也趙聽將渠解燕圍六年秦滅東西周置三川

郡七年秦拔趙榆次三十七城秦置太原郡九年秦王

政初即位十年趙使廉頗將攻繁陽徐廣曰屬魏郡拔之趙孝

成王卒悼襄王立使樂乘代廉頗廉頗不聽攻樂乘樂

乘走廉頗奔大梁十二年趙使李牧攻燕拔武遂徐廣曰屬

河方城徐廣曰屬涿有督元亭劇辛故居趙與龐煖善索隱曰煖

已而亡走燕燕見趙數困于秦而廉頗去令龐煖將也

欲因趙弊攻之問劇辛辛曰龐煖易與耳燕使劇辛將

擊趙趙使龐煖擊之取燕軍二萬殺劇辛秦拔魏二十

城置東郡十九年秦拔趙之鄴正義曰即相鄴縣也九城趙悼

襄王卒二十三年太子丹質於秦亡歸燕二十五年秦

虜滅韓王安置潁川郡二十七年秦虜趙王遷滅趙趙



公子嘉自立為代王燕見秦且滅六國秦兵臨易水徐廣

曰出涿郡故安也禍且至燕太子丹陰養壯士二十人使荆軻

獻督元地圖於秦索隱曰徐廣云涿有督元亭地理志屬廣陽然督元之田在燕東甚良沃

欲獻秦故畫其圖而獻焉因襲刺秦王秦王覺殺軻使將軍王翦擊

燕二十九年秦攻拔我薊燕王亡徙居遼東斬丹以獻

秦三十年秦滅魏三十三年秦拔遼東虜燕王喜卒滅

燕是歲秦將王賁正義曰賁音奔王翦子亦虜代王嘉

太史公曰召公奭可謂仁矣耳棠且思之況其人乎燕

北迫蠻貉內措齊晉索隱曰措交雜也又崎嶇疆國之作錯劉氏云爭錯也崎嶇疆國之

間最為弱小幾滅者數矣然社稷血食者八九百歲於

姬姓獨後亡豈非召公之烈耶

索隱述贊曰

召伯作相 分陝而治 人惠其德

甘棠是思 莊送霸王 惠羅寵姬

文公約趙 蘇秦騁辭 易王初立

齊宣我欺 燕噲無道 禪位子之

昭王待士 思報臨菑 督元不就

卒見芟夷



史記卷三十四終

史記卷三十五

管蔡世家第五

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞素隱

唐諸王侍讀率府長史張守節正義

皇明朝列大夫國子監祭酒臣劉應秋

勅重較刊 承直郎國子監司業臣楊道賓等奉

皇明朝列大夫國子監祭酒臣吳士元

旨重修 承德郎司業仍加俸一級臣黃錦等奉

管叔鮮正義曰音仙括地志云鄭州管城縣今州外城即管國城也是叔鮮所封國也蔡叔度

者周文王子而武王弟也武王同母兄弟十人母曰太

妣正義曰國語云杞繡二國妣姓夏禹之後太妣之象太妣文王之妃武王之母列女傳云太妣者武王之

母禹後妣氏之女也在邠之陽在渭之涘仁而明道文王喜之親迎于渭造舟為梁及入太妣思任旦女勤勞



以進婦道太姒號曰文母文王理外文母治內太姒生十男教誨自少及長未嘗見邪僻之事言常以正道持也

文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成

叔武正義曰括地志云濮州雷澤縣在東南九十一里漢邨陽縣古邨伯姬姓之國其後遷於成之陽

次曰霍叔處正義曰處昌汝反括地志云晉州霍邑縣本漢彘縣也鄭玄注周禮云霍山在彘本

春秋時霍伯國地次曰康叔封次曰冉季載正義冉作冉音奴其反或作邠音同冉國名也季載人名也伯邑考最長所以

同母兄弟十人徐廣曰文王之子為侯者十有六國唯發旦賢左右輔文王正義曰左故文王舍伯邑考而以發為太子及文王崩而發立是為武王伯邑考既已前卒矣武王已克殷

紂平天下封功臣昆弟於是封叔鮮於管杜預曰管在滎陽京縣東

北封叔度於蔡世本曰二人相紂子武庚祿父治殷遺居上蔡

民封叔旦於魯而相周為周公封叔振鐸於曹封叔武於成索隱曰按春秋隱五年衛師人邨杜預曰東平剛父縣有邨鄉後漢地理志以為成本國又地理志云廩丘縣南有成故城應劭曰武王封弟季

載於成是古之成邑應仲遠誤云季載封耳封叔處於霍索隱曰春秋閔元年晉滅霍地理志云河東彘縣霍太山在東北是霍叔之所封康叔封冉季載皆少未得封索隱曰孔安國曰康畿內國名地關叔字也封叔名耳武王既崩成王少周公旦專王室管叔蔡叔疑周公之為不利

於成王乃挾武庚以作亂周公旦承成王命伐誅武庚殺管叔而放蔡叔遷之與車十乘徒七十人從而分殷

萬曆二十六年刊



餘民爲二其一封微子啓於宋以續殷祀其一封康叔

爲衛君是爲衛康叔封季載於冉索隱曰冉國也載名也季字也冉或作邠

國語曰冉季鄭姬賈逵曰文王子聃季之國也莊十八年楚武王克權遷於那處杜預曰那處楚地南郡編縣

有那口城聃與邠皆音奴甘反冉季康叔皆有馴行索隱曰如字音巡馴善也於是

周公舉康叔爲周司寇冉季爲周司空以佐成王治皆

有令名於天下蔡叔度既遷而死其子曰胡胡乃改行

率德馴善周公聞之而舉胡以爲魯卿士索隱曰尚書云蔡仲克庸

祗德周公以爲卿士叔卒乃命諸王邦之蔡元無仕魯之文又伯禽居魯乃是七年致政之後此言乃說居攝

政之初未知史遷何憑而有斯言也魯國治於是周公言於成王復封胡

於蔡以奉蔡叔之祀是爲蔡仲宋忠自胡徙居新蔡餘五叔皆就

國無爲天子吏者

索隱曰五叔管叔蔡叔成叔曹叔霍叔

蔡仲卒子蔡伯

荒立蔡伯荒卒子宮侯立宮侯卒子厲侯立厲侯卒子

武侯立武侯之時周厲王失國奔彘共和行政諸侯多

叛周武侯卒子夷侯立夷侯十一年周宣王卽位二十

八年夷侯卒子釐侯所事立釐侯三十九年周幽王爲

犬戎所殺周室卑而東徙秦始得列爲諸侯正義曰周幽王爲犬

戎所殺平王東徙洛邑秦襄公以兵救因送平王至洛故平王封襄公四十八年釐侯卒

子共侯興立共侯二年卒子戴侯立戴侯十年卒子宣

侯措父立宣侯二十八年魯隱公初立三十五年宣侯

卒子相侯封人立相侯三年魯弑其君隱公二十年相



侯卒弟哀侯獻舞立哀侯十一年初哀侯娶陳息侯亦

娶陳杜預曰息國汝南新息縣息夫人將歸過蔡蔡侯不敬息侯怒

請楚文王來伐我我求救於蔡蔡必來楚因擊之可以

有功楚文王從之虜蔡哀侯以歸哀侯留九歲死於楚

凡立二十年卒蔡人立其子眚是為繆侯繆侯以其女

弟為齊桓公夫人十八年齊桓公與蔡女戲船中夫人

蕩舟桓公止之不止公怒歸蔡女而不絕也蔡侯怒嫁

其弟索隱曰弟女弟即蕩舟之姬齊桓公怒伐蔡蔡潰遂虜繆侯南

至楚邵陵已而諸侯為蔡謝齊齊侯歸蔡侯二十九年

繆侯卒子莊侯甲午立莊侯三年齊桓公卒十四年晉

文公敗楚於城濮二十年楚太子商臣弒其父成王代

立二十五年秦穆公卒三十三年楚莊王即位三十四

年莊侯卒子文侯申立文侯十四年楚莊王伐陳殺夏

徵舒十五年楚圍鄭鄭降楚楚復醜之正義曰二十年醜音釋

文侯卒子景侯同立景侯元年楚莊王卒二十九年景

侯為太子般娶婦於楚而景侯通焉太子弒景侯而自

立是為靈侯靈侯二年楚公子圍弒其王郊敖而自立

為靈王正義郊紀洽反敖五高反九年陳司徒招弒其君哀公索隱曰招

或作若又作昭並音時遙反楚使公子棄疾滅陳而有之十二年楚

靈王以靈侯弒其父誘蔡靈侯于申正義曰故申城在鄆州伏甲



飲之醉而殺之刑其士卒七十人令公子棄疾圍蔡十

一月滅蔡使棄疾為蔡公正義曰蔡之大夫也楚滅蔡三歲楚公

子棄疾弑其君靈王代立為平王平王乃求蔡景侯少

子廬立之是為平侯宋忠曰平侯徙下蔡○索隱曰今系本無者近脫耳是年楚

亦復立陳楚平王初立欲親諸侯故復立陳蔡後世本曰平

侯者靈侯般之子平侯九年卒靈侯般之孫東國攻平侯

子而自立是為悼侯悼侯父曰隱太子友者靈侯之太

子平侯立而殺隱太子故平侯卒而隱太子之子東國

攻平侯子而代立是為悼侯悼侯三年卒弟昭侯申立

昭侯十年朝楚昭王持美裘二獻其一於昭王而自衣

其一楚相子常欲之不與子常讒蔡侯留之楚三年蔡

侯知之乃獻其裘於子常子常受之乃言歸蔡侯蔡侯

歸而之晉請與晉伐楚十三年春與衛靈公會邵陵蔡

侯私於周萇弘以求長於衛服虔曰載書使蔡在衛上衛使史鮒言

康叔之功德乃長衛夏為晉滅沈杜預曰汝南平楚怒

攻蔡蔡昭侯使其子為質於吳以共伐楚正義曰冬與

吳王闔閭遂破楚入郢蔡怨子常子常恐奔鄭十四年

吳去而楚昭王復國十六年楚令尹為其民泣以謀蔡

蔡昭侯懼二十六年孔子如蔡楚昭王伐蔡蔡恐告急

於吳吳為蔡遠約遷以自近易以相救昭侯私許不與



大夫計吳人來救蔡因遷蔡于州來索隱曰州來在淮南下蔡縣

十八年昭侯將朝于吳大夫恐其復遷乃令賊利殺昭

昭索隱曰利賊名也已而誅賊利以解過而立昭侯子朔是為

成侯徐廣曰或作景成侯四年宋滅曹十年齊田常弑其君簡

公十三年楚滅陳十九年成侯卒子聲侯產立聲侯十

五年卒子元侯立元侯六年卒子侯齊立侯齊四年楚

惠王滅蔡蔡侯齊亡蔡遂絕祀後陳滅三十三年索隱曰魯

哀十七年楚滅陳其楚滅蔡絕其祀又在陳之後三十三年即在春秋後二十三年伯邑考其

後不知所封武王發其後為周有本紀言管叔鮮作亂

誅死無後周公旦其後為魯有世家言蔡叔度其後為

蔡有世家言曹叔振鐸其後為曹有世家言索隱曰曹亦姬姓之

國而文之昭春秋之時頗稱疆國傳數十代而後亡豈可附管蔡亡國之末而沒其篇第自合析為一篇成

叔武其後世無所見霍叔處其後晉獻公時滅霍康叔

對其後為衛有世家言冉季載其後世無所見

太史公曰管叔作亂無足載者然周武王崩成王少天

下既疑賴同母之弟成叔冉季之屬十人為輔拂是以

諸侯卒宗周故附之世家言

曹叔世家索隱曰按上文叔振鐸其後為曹有世家言即曹亦合題系家今附管蔡之末而不出題

者蓋以曹小而少事迹因附管蔡之末不別題篇爾且又管雖無後仍是蔡曹之兄故顯管蔡而畧曹曹

叔振鐸者周武王弟也武王巴克殷紂封叔振鐸於曹



宋忠曰濟陽定陶縣叔振鐸卒子太伯聃立太伯卒子仲君平立

仲君平卒子宮伯侯立宮伯侯卒子孝伯雲立孝伯雲

卒子夷伯喜立夷伯二十三年周厲王奔于彘三十年

卒弟幽伯彊立幽伯九年弟蘇殺幽伯代立是為戴伯

戴伯元年周宣王已立三歲三十年戴伯卒子惠伯兕

立孫檢曰兕音徐子反曹惠伯或名雉或名弟或復名弟兕也○索隱曰按年表作惠公伯雉註引孫檢未詳何代或云齊人亦恐其人不知註史記所以王儉七志阮孝緒七錄並無不知裴駰何所從錄惠伯二

十五年周幽王為犬戎所殺因東徙益卑諸侯畔之秦

始列為諸侯三十六年惠伯卒子石甫立其弟武殺之

代立是為繆公繆公三年卒子相公終生立孫檢曰一作終涅涅

音相公三十五年魯隱公立四十五年魯弒其君隱公

四十六年宋華父督弒其君殤公及孔父五十五年相

公卒子莊公夕姑立索隱曰夕音亦即射姑也同音亦莊公二十三年

齊相公始霸三十一年莊公卒子釐公夷立釐公九年

卒子昭公班立昭公六年齊相公敗蔡遂至楚召陵九

年昭公卒子共公襄立共公十六年初晉公子重耳其

亡過曹曹君無禮欲觀其駢脅韋昭曰駢者并幹也○正義曰駢白邊反脅許

業釐負羈諫不聽正義曰釐音信曹大夫私善於重耳二十一年

晉文公重耳伐曹虜共公以歸令軍母入釐負羈之宗

族閭或說晉文公曰昔齊相公會諸侯復異姓今君囚



曹君滅同姓何以令於諸侯晉乃復歸共公二十五年  
晉文公卒三十五年共公卒子文公壽立文公二十三  
年卒子宣公彊立索隱曰左傳宣公名廬宣公十七年卒弟威公  
負芻立成公三年晉厲公伐曹虜成公以歸已復釋之  
五年晉欒書中行偃使程滑弒其君厲公二十三年成  
公卒子武公勝立武公二十六年楚公子棄疾弒其君  
靈王代立二十七年武公卒子平公頃立平公四年卒  
子悼公午立是歲宋衛陳鄭皆火悼公八年宋景公立  
九年悼公朝於宋宋囚之曹立其弟野是為聲公悼公  
死於宋歸葬聲公五年平公弟通弒聲公代立是為隱

公索隱曰譙周云春秋無其事今檢系本及春秋悼伯  
卒弟露立諡靖公實無聲公隱公蓋是彼文自踈也  
隱公四年聲公弟露弒隱公代立是為靖公靖公四年

卒子伯陽立伯陽三年國人有夢衆君子立于社宮買  
社宮中有室屋者謀欲亡曹曹叔振鐸止之請待公

孫彊許之旦求之曹無此人夢者戒其子曰我亡爾聞  
公孫彊為政必去曹無離曹禍索隱曰離  
卽罹被也及伯陽即位

好田弋之事六年曹野人公孫彊亦好田弋獲白鴈而  
獻之且言田弋之說因訪政事伯陽大說之有寵使為

司城以聽政夢者之子乃亡去公孫彊言霸說於曹伯  
十四年曹伯從之乃背晉汙宋索隱曰干  
謂犯也宋景公伐之



晉人不救十五年宋滅曹執曹伯陽及公孫彊以歸而殺之曹遂絕其祀

太史公曰余尋曹共公之不用僂負羈乃乘軒者三百

人正義曰晉世家云晉師入曹數之以其不用僂負羈言而美女乘軒三百人也知唯德之不

建及振鐸之夢豈不欲引曹之祀者哉如公孫彊不脩

厥政叔鐸之祀忽諸正義曰至如公孫彊不脩霸道之政而伯陽之子立叔鐸猶尚饗祭

祀豈合忽絕之哉

索隱述贊曰

武王之弟

管蔡及霍

周公居相

流言是作

狼跋致艱

鴟鴞討惡

胡能改行

克復其爵

獻舞執楚

遇息禮薄

穆侯虜齊

蕩舟乖詐

曹共輕晉

負羈先覺

伯陽夢社

祚傾振鐸



史記卷三十五終

史記卷三十五終

史記卷三十六

陳杞世家第六

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞素隱

唐諸王侍讀率府長史張守節正義

皇明朝列大夫國子監祭酒臣劉應秋

勅重較刊 承直郎國子監司業臣楊道賓等奉

皇明朝列大夫國子監祭酒臣吳士元

旨重修 承德郎司業仍加俸一級臣黃錦等奉

陳胡公滿者虞帝舜之後也昔舜為庶人時堯妻之二

女居于媯汭其後因為氏姓媯氏舜已崩傳禹天下

而舜子商均為封國索隱曰按商均所封虞夏后之時

或失或續索隱曰按夏代猶封虞思虞遂是也至于周武王克殷紂乃復

萬曆二十六年刊 史記卷三十六







散故再赴

徐廣曰班氏云厲公之弟也

厲公二年生子敬仲完

周太史過陳陳厲公使以周易筮之卦得觀之否

賈逵曰坤

下巽上觀坤下乾上否是為觀國之光利用賓于王

杜預

觀爻在六四變而之否是為觀國之光利用賓于王

杜預曰此周易觀卦六四爻辭也易之為書六爻皆有變象又有互體聖人隨其義而論之此其代陳

有國乎不在此其在異國

正義曰六四變內卦為中國外卦為異國

非此其

身在其子孫

正義曰內卦為身外卦為子孫變在外故知在子孫也

若在異國必

姜姓

正義曰六四變此爻是辛未觀上體巽未為姜姓羊巽為女女乘羊故為姜姜齊姓故知在齊

太嶽之後

杜預曰姜姓之先為堯四嶽也

物莫能兩大陳衰此其昌乎

正義曰周敬王四十一年楚惠王殺陳厲公齊簡公周敬王三十九年被田常殺之

厲公取蔡女

蔡女與蔡人亂厲公數如蔡淫七年厲公所殺相公太

子免之三弟長曰躍中曰林少曰杵臼共令蔡人誘厲

公以好女與蔡人共殺厲公

公羊傳曰淫于蔡蔡人殺之

而立躍是

為利公利公者相公子也利公立五月卒立中弟林是

為莊公莊公七年卒少弟杵臼立是為宣公宣公三年

楚武王卒楚始疆十七年周惠王取陳女為后二十一

年宣公後有嬖姬生子款欲立之乃殺其太子禦寇禦

寇素愛厲公子完完懼禍及已乃奔齊齊相公欲使陳

完為卿完曰羈旅之臣

賈逵曰羈奇旅客也

幸得免負擔君之惠

也不敢當高位相公使為工正

正義曰周禮云冬官為考工主器械

齊懿

仲欲妻陳敬仲卜之占曰是謂鳳皇于飛和鳴鏘鏘

杜預



曰雄曰鳳雌曰皇雄雌俱飛相和而有媯之後將育于  
鳴鏘鏘然也猶敬仲夫妻有聲譽

姜杜預曰媯陳姓也姜齊姓也五世其昌并于正卿服虔曰言完後五世與卿並列

八世之後莫之與京賈逵曰京大也三十七年齊相公伐蔡蔡

敗南侵楚至召陵還過陳陳大夫轅濤塗惡其過陳詐

齊令出東道東道惡相公怒執陳轅濤塗是歲晉獻公

殺其太子申生四十五年宣公卒子款立是為穆公穆

公五年齊相公卒十六年晉文公敗楚師于城濮是歲

穆公卒子共公朔立共公六年楚太子商臣弑其父成

王代立是為穆王十一年秦穆公卒十八年共公卒子

靈公平國立靈公元年楚莊王即位六年楚伐陳十年

陳及楚平十四年靈公與其大夫孔寧儀行父皆通於

夏姬正義曰列女傳云陳女夏姬者陳大夫夏徵舒之

母御叔之妻三為王后七為夫人公侯爭之莫不

述惑衷其衣以戲於朝左傳曰衷其相服穀梁傳泄冶

諫曰君臣淫亂民何效焉靈公以告二子二子請殺泄

冶公弗禁遂殺泄冶十五年靈公與二子飲於夏氏公

戲二子曰徵舒似汝二子曰亦似公杜預曰靈公即位

卿年大無媯是公子也蓋以夏徵舒怒靈公罷酒出徵

姬淫放故謂其子多似以為戲舒伏弩廐門射殺靈公左傳曰公孔寧儀行父皆奔楚

靈公太子午奔晉徵舒自立為陳侯徵舒故陳大夫也

夏姬御叔之妻舒之母也成公元年冬楚莊王為夏徵



舒殺靈公率諸侯伐陳謂陳曰無驚吾誅徵舒而已已  
誅徵舒因縣陳而有之羣臣畢賀申叔時使於齊來還  
獨不賀賈逵曰叔時楚大夫莊王問其故對曰鄙語有之牽牛徑  
人田田主奪之牛徑則有罪矣奪之牛不亦甚乎今王  
以徵舒為賊弑君故徵兵諸侯以義伐之已而取之以  
利其地則後何以令於天下是以不賀莊王曰善乃迎  
陳靈公太子午於晉而立之復君陳如故是為成公孔  
子讀史記至楚復陳曰賢哉楚莊王輕千乘之國而重  
一言索隱曰謂申叔時之語二十八年楚莊王卒二十九年陳倍  
楚盟三十年楚共王伐陳是歲成公卒子哀公弱立楚

以陳喪罷兵去哀公三年楚圍陳復釋之二十八年楚  
公子圍弑其君郊敖自立為靈王三十四年初哀公娶

鄭長姬生悼太子師少姬生偃索隱曰昭八年經云陳侯之弟招殺陳世子偃

師左傳曰陳哀公元妃鄭姬生悼太子偃師今此云兩姬又分偃師為二人亦恐此非二嬖妾長

妾生留少妾生勝留有寵哀公哀公屬之其弟司徒招  
哀公病三月招殺悼太子立留為太子哀公怒欲誅招

招發兵圍守哀公哀公自經殺徐廣曰三十五年時招卒立留為

陳君四月陳使使赴楚楚靈王聞陳亂乃殺陳使者索隱

曰即司徒招又一名茗使公子弃疾發兵伐陳陳君留奔鄭九月

楚圍陳十一月滅陳使弃疾為陳公招之殺悼太子也



太子之子名吳出奔晉晉平公問太史趙曰陳遂亡乎

對曰陳顓頊之族服虔曰陳祖虞舜舜出顓頊故為顓頊之族陳氏得政於

齊乃卒亡賈逵曰物莫能兩盛自幕至于瞽瞍無違命賈逵曰幕舜後虞思

也至于瞽瞍無聞違天命以廢絕者鄭眾曰幕舜之先也駟案國語賈義為長○索隱曰賈逵以幕為虞思非

也傳言自幕而至瞽瞍知幕舜重之以明德至於遂杜預

在瞽瞍之前非虞思明矣曰遂舜後蓋殷之與存舜之後而封遂言舜德乃至於遂也○索隱曰重音持用反杜預以謂舜有明德乃至

遂有國義亦然也且文云自幕至瞽瞍無違命舜重之以明德是言舜有明德為天子也乃云殷封遂代守之

亦舜德也宋忠云虞思之後箕伯直柄中衰殷湯封遂於陳以為舜後是也世世守之及胡

公周賜之姓杜預曰胡公滿遂之後也事周武王賜姓曰媯封之陳使祀虞帝且

盛德之後必百世祀虞之世未也其在齊乎楚靈王滅

陳五歲楚公子弃疾弑靈王代立是為平王平王初立

欲得和諸侯乃求故陳悼太子師之子吳立為陳侯是

為惠公惠公立探續哀公卒時年而為元空藉五歲矣

索隱曰惠公探取哀公死楚陳滅之後為元年故今空經年藉五歲矣一云藉借也為借失國之後年為五年

七年陳火十五年吳王僚使公子光伐陳取胡沈而去

索隱曰系本云胡歸姓沈姬姓沈國在汝南平輿胡亦在汝南二十八年吳王闔閭與

子胥敗楚入郢是年惠公卒子懷公柳立懷公元年吳

破楚在郢召陳侯陳侯欲往大夫曰吳新得意楚王雖

亡與陳有故不可倍懷公乃以疾謝吳四年吳復召懷

公懷公恐如吳吳怒其前不往留之因卒吳陳乃立懷



公之子越是為湣公索隱曰按左傳湣公名周是史官記不同也湣公六年

孔子適陳吳王夫差伐陳取三邑而去十三年吳復來

伐陳陳告急楚楚昭王來救軍於城父吳師去是年楚

昭王卒於城父時孔子在陳索隱曰按孔子以魯定公十四年適陳當湣公之六年

年上文說是比十三年孔子仍在陳凡經八年何其久也十五年宋滅曹十六年吳

王夫差伐齊敗之艾陵使人召陳侯陳侯恐如吳楚伐

陳二十一年齊田常弑其君簡公二十三年楚之白公

勝殺令尹子西子綦襲惠王葉公攻敗白公白公自殺

二十四年楚惠王復國以兵北伐殺陳湣公遂滅陳而

有之是歲孔子卒

杞東樓公者夏后禹之後苗裔也索隱曰杞國名也東樓公謚號也不名者

並史先失耳宋忠曰杞今陳留雍丘縣故地理志云雍丘縣故杞國周武王封禹後為東樓公是也蓋周封杞

而居雍丘至春秋時杞已遷宋國故左氏隱四年傳云莒人伐杞取牟婁牟婁者東邑也僖十四年傳云杞遷

緣陵地理志北海有營陵淳于公之縣臣瓚云即春秋緣陵淳于公所都之邑又州國名杞後改國號曰州而

稱淳于公故春秋相五年經云州公如曹傳曰淳于公如曹是也然杞後代又稱子者以微小又僻居東夷故

襄二十九年經稱杞子來盟傳曰書曰子賤之也殷時或封或絕周武王克殷

紂求禹之後得東樓公封之於杞宋忠曰杞今陳留雍丘縣也以奉

夏后氏杞東樓公生西樓公西樓公生題公題公生謀

娶公徐廣曰謀一作謨索隱曰娶子史反謀娶公當周厲王時謀娶公生

武公武公立四十七年卒子靖公立靖公二十三年卒



于共公立共公八年卒子德公立

徐廣曰世本日惠公○索隱曰系本譙周

並作惠公又云惠公生成公及桓公是此系家脫成公一代下云弟桓公姑容立非也且成公又見春秋經傳故左氏莊二十五年云杞成公娶魯女有婚姻之好至僖二十二年卒始赴而書左傳云成公也未同盟故不書名是杞有成公必當如譙周所說也德公十八年卒弟桓公姑容立

日世本日惠公立十八年生成公及桓公十七年卒子桓公成公立十八年桓公立十七年桓公十七年卒子

孝公旬立索隱曰旬音蓋孝公十七年卒弟文公益姑立文公

十四年卒弟平公鬱立索隱曰一作郁釐譙周云名鬱來蓋鬱郁釐來聲相近遂不同也

平公十八年卒子悼公成立悼公十二年卒子隱公

乞立七月隱公弟遂弑隱公自立是為釐公釐公十九

年卒子湣公維立湣公十五年楚惠王滅陳十六年湣

公弟闕路弑湣公代立是為哀公

索隱曰闕音邁哀公殺兄湣公而立謚哀

譙周云謚懿也哀公立十年卒湣公子欵立徐廣曰欵一作遯是為出

公出公十二年卒子簡公春立立一年楚惠王之四十

四年滅杞杞後陳亡三十四年杞小微其事不足稱述

舜之後周武王封之陳至楚惠王滅之有世家言禹之

後周武王封之杞楚惠王滅之有世家言契之後為殷

殷有本紀言殷破周封其後於宋齊湣王滅之有世家

言后稷之後為周秦昭王滅之有本紀言臯陶之後或

封英六索隱曰本或作蓼六皆通然蓼六皆咎繇後據

六滅文仲聞六與蓼滅曰臯陶庭堅不祀忽諸杜預云

萬曆二十六年刊



楚所滅又僖十七年齊人徐人伐英氏杜預曰英六皆  
畢陶後國名是有英蓼英蓼實未能詳或者英改號蓼  
楚穆王滅之無譜伯夷之後至周武王復封於齊曰太  
公望陳氏滅之有世家言伯翳之後至周平王時封為  
秦項羽滅之有本紀言索隱曰秦祖伯翳解者以翳益  
則為一人今言十一人叙伯翳  
而又別言垂益則是二人也且按舜本紀叙十人無翳  
而有彭祖彭祖亦墳典不載未知太史公意如何恐多  
是誤然據秦本紀叙翳之功云佐舜馴調鳥獸與舜典  
命益作虞若予上下草木鳥獸文同則為一人必矣今  
未詳其所以垂益夔龍其後不知所封不見也右十一人者  
皆唐虞之際名有功德臣也其五人之後皆至帝王索  
隱曰舜禹身為帝王其稷契  
及翳即後代皆為帝王也餘乃為顯諸侯滕薛騶夏殷  
周之間封也小不足齒列弗論也索隱曰滕不知本封  
蓋軒轅氏之子有滕

姬是其祖也後周封文王子錯叔繡於滕故宋忠云今  
沛國公丘是滕國也薛奚仲之後任姓蓋夏殷所封故  
春秋有滕侯薛侯邾曹姓之國陸終氏之子會人之後  
邾國今魯國騶縣是也然三國微小春秋時亦預會盟  
蓋史缺無可叙列也又許文叔太岳之胤二邾曹姓之  
君並通好諸侯同盟大國不宜全沒其事亦可叙其本  
未補許邾世家周武王時侯伯尚千餘人及幽厲之後諸侯力  
攻相并江黃胡沈之屬不可勝數索隱曰系本江黃二  
國並嬴姓又地理志  
山國在汝  
南安陽縣故弗采著于傳上

太史公曰舜之德可謂至矣禪位於夏而後世血食者  
歷三代及楚滅陳而田常得政於齊卒為建國百世不  
絕苗裔茲茲有土者不乏焉至禹於周則杞微甚不足  
數也楚惠王滅杞其後越王勾踐興



索隱述贊曰

盛德之祀

必及百世

舜禹餘烈

陳杞是繼

媯滿受封

東樓纂世

闕路篡逆

夏姬淫嬖

二國衰微

或淪或替

前并後虜

皆亡楚惠

勾踐勃興

田和吞噬

蟬聯血食

豈其苗裔

史記卷三十六終

史記卷三十七

世家第七

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞索隱

唐諸王侍讀率府長史張守節正義

皇明朝列大夫國子監祭酒臣劉應秋

勅重較刊承直郎國子監司業臣楊道賓等奉

皇明朝列大夫國子監祭酒臣吳士元

旨重修承德郎司業仍加俸一級臣黃錦等奉

衛康叔名封周武王同母少弟也索隱曰康畿內國名

封衛衛即殷墟定昌之地其次尚有冉季冉季最少武

王巴克殷紂復以殷餘民封紂子武庚祿父比諸侯以

奉其先祀勿絕為武庚未集索隱曰恐其有賊心武王



乃令其弟管叔蔡叔傅相武庚祿父以和其民武王既

崩成王少周公旦代成王治當國管叔蔡叔疑周公乃

與武庚祿父作亂欲攻成周索隱曰成周洛陽其時周公相成王營洛邑猶居西

周鎬京管蔡欲構難先攻成周於是周公東居洛邑伐管蔡周公旦以成王命興師

伐殷殺武庚祿父管叔放蔡叔以武庚餘民封康叔

為衛君居河淇間故商墟索隱曰宋忠云今定昌也周公旦懼康叔

齒少乃申告康叔曰必求殷之賢人君子長者問其先

殷所以興所以亡而務愛民告以紂所以亡者以淫於

酒酒之失婦人是用故紂之亂自此始為梓材正義曰若梓人

為梓君子觀為法則也梓匠人也示君子可法則故謂之康誥酒誥梓

材以命之康叔之國既以此命能和集其民民大說成

王長用事舉康叔為周司寇賜衛寶祭器以章有德左傳

曰分康叔以大路大旂少帛精棧旃旌大呂買遠曰大路金路也少帛雜帛也精棧大赤也通帛為旃析羽為旌大呂鍾名鄭眾康叔卒子康伯代立索隱曰系本康伯名髡宋忠曰

曰精棧旃名也康叔卒子康伯代立伯名髡宋忠曰

即王孫牟也事周康王為大夫按左傳所稱王孫牟父是也牟髡聲相近故不同爾雅周古史考無康伯而云子牟伯立蓋以不宜父子俱

謚康故因其名云牟伯也康伯卒子考伯立考伯卒

子嗣伯立嗣伯卒子廙伯立史記音義曰音捷○廙伯

卒子靖伯立靖伯卒子貞伯立索隱曰系本貞伯卒子頃

侯立頃侯厚賂周夷王夷王命衛為侯索隱曰康誥稱命余侯于東土

又云孟侯朕其弟小子封則康叔初封已為侯也比于康伯即稱伯者謂方伯之伯耳非至于即降爵為伯也



故孔安國曰孟長也五侯之長謂方伯方伯州牧也故五代孫祖恒為方伯耳至頃侯德衰不監諸侯乃從本爵而稱侯非是至子而削爵頃侯立十二年卒子釐侯及頃侯賂夷王而稱侯也

立釐侯十三年周厲王出奔于彘共和行政焉二十八年周宣王立四十二年釐侯卒太子共伯餘立為君共

伯弟和有寵於釐侯多予之賂和以其賂賂士以襲攻

共伯於墓上共伯入釐侯美自殺索隱曰美音延延墓道又音以戰反恭伯

名餘也衛人因葬之釐侯旁謚曰共伯而立和為衛侯是

為武公索隱曰和煞恭伯代立此說蓋非也按季札美康叔武公之德又國語稱武公九年九十五矣猶

箴誠於國恭恪于朝作抑自傲至於沒身謂之獻聖又詩著衛世子恭伯早卒不云被殺若武公殺兄而代立豈可以為訓而形之于國史乎武公即位脩康叔之政

蓋太史公採雜說而為此記耳

百姓和集四十二年犬戎殺周幽王武公將兵往佐周

平戎甚有功周平王命武公為公五十五年卒子莊公

揚立莊公五年取齊女為夫人好而無子又取陳女為

夫人生子蚤死陳女女弟亦幸於莊公而生子完索隱曰女弟戴媽也子完為州吁所殺完母死莊公令夫人齊女

子之立為太子索隱曰子之謂養之為子也齊女莊公

有寵妾生子州吁十八年州吁長好兵莊公使將石碯

諫莊公賈逵曰石碯衛上卿曰庶子好兵使將亂自此起不聽二

十三年莊公卒太子完立是為桓公桓公二年弟州吁

驕奢桓公紂之州吁出奔十三年鄭伯弟段攻其兄不

萬曆二十六年刊



勝亡而州吁求與之友十六年州吁收聚衛亡人以襲  
殺桓公州吁自立為衛君為鄭伯弟段欲伐鄭請宋陳  
蔡與俱三國皆許州吁州吁新立好兵弑桓公衛人皆  
不愛石碯乃因桓公母家於陳詳為善州吁至鄭郊石  
碯與陳侯共謀使右宰醜進食因殺州吁于濮服虔曰右宰醜  
衛大夫濮陳地○索隱曰賈逵云濮陳地按濮水有受  
河又受汴汴亦受河東北至離孤分為二俱東北至鉅  
野入濟則濮在曹衛之間賈言陳地非也若據  
地理志陳留封丘縣濮水受汴當言陳留水也而迎桓  
公弟晉於邢而立之賈逵曰邢周公之胤姬姓國是為宣公宣公七  
年魯弑其君隱公九年宋督弑其君殤公及孔父十年  
晉曲沃莊伯弑其君哀侯十八年初宣公愛夫人夷姜

夷姜生子伋以為太子而令右公子傅之右公子為太  
子取齊女未入室而宣公見所欲為太子婦者好說而  
自取之更為太子取他女宣公得齊女生子壽子朔令  
左公子傅之杜預曰左右勝之子因以為號太子伋母死宣公正夫人  
與朔共讒惡太子伋宣公自以其奪太子妻也心惡太  
子欲廢之及聞其惡大怒乃使太子伋於齊而令盜遮  
界上殺之正義曰左傳云衛宣公使太子伋之齊與太  
使盜待諸莘將殺之杜預曰莘衛地太子白旄而告界盜見持白旄者殺之且行子朔之兄壽  
太子異母弟也知朔之惡太子而君欲殺之乃謂太子  
曰界盜見太子白旄即殺太子太子可毋行太子曰逆



父命求生不可遂行壽見太子不止乃盜其白旄而先馳至界盜見其驗卽殺之壽已死而太子伋又至謂盜曰所當殺乃我也盜并殺太子伋以報宣公宣公乃以子朔爲太子十九年宣公卒太子朔立是爲惠公左右公子不平朔之立也惠公四年左右公子怨惠公之讒殺前太子伋而代立乃作亂攻惠公立太子伋之弟黔牟爲君惠公奔齊衛君黔牟立八年齊襄公率諸侯奉王命共伐衛納惠公誅左右公子衛君黔牟奔于周惠公復立惠公立三年出亡亡八年復入與前通年凡十三年矣二十五年惠公怨周之容舍黔牟與燕伐周

周惠王奔温衛燕立惠王弟頹爲王二十九年鄭復納惠王三十一年惠公卒子懿公亦立懿公卽位好鶴義止

日括地志云故鶴城在滑州匡城縣西南十五里左傳云衛懿公好鶴有乘軒者狄伐衛公欲戰國人受甲者皆曰使鶴鶴實有祿位余焉能戰俗傳懿公養鶴於此城因名也淫樂奢侈九年翟伐

衛衛懿公欲發兵兵或畔大臣言曰君好鶴鶴可令擊

翟翟於是遂入殺懿公懿公之立也百姓大臣皆不服

自懿公父惠公朔之讒殺太子伋代立至於懿公常欲

敗之卒滅惠公之後而更立黔牟之弟昭伯頹之子申

爲君是爲戴公戴公申元年卒齊桓公以衛數亂乃率

諸侯伐翟爲衛築楚丘正義曰括地志云城武縣有楚丘亭立戴公弟燬

萬曆二十六年刊



為衛君

賈誼書曰衛侯朝於周周行人問其名答曰衛侯弗得用衛侯更其名曰熾

然後受之○正義曰熾音毀是為文公文公以亂故犇

齊齊人入之初翟殺懿公也衛人憐之思復立宣公前

死太子伋之後伋子又死而代伋死者子壽又無子太

子伋同母弟二人其一曰黔牟黔牟嘗代惠公為君八

年復去其二曰昭伯昭伯黔牟皆已前死故立昭伯子

申為戴公戴公卒復立其弟燬為文公文公初立輕賦

平罪

索隱曰輕賦稅平斷刑也平或作卒卒謂士卒也罪字連下讀蓋亦一家之義爾

身自勞

與百姓同苦以收衛民十六年晉公子重耳過無禮十

七年齊桓公卒二十五年文公卒子成公鄭立成公三

年晉欲假道於衛救宋成公不許晉更從南河度

服虔曰南

河濟南之東南流河也杜預曰從伋郟南度出衛南

救宋徵師於衛衛大夫欲許

成公不肯大夫元咺攻成公成公出犇

索隱曰昔楚正義曰咺兄遠

反晉文公重耳伐衛分其地予宋討前過無禮及不救

宋患也衛成公遂出犇陳

索隱曰左傳衛侯聞楚師二救懼出奔楚遂適陳也

歲如周求入與晉文公會晉使人鳩衛成公成公私於

周主鳩今薄得不死

索隱曰按私謂賂之也

已而周為請晉文公

卒入之衛而誅元咺衛君瑕出犇

索隱曰是元咺所立者成公入而殺之故

僖三十年經云衛殺其大夫元咺及公子瑕此言奔非也

七年晉文公卒十二年成

公朝晉襄公十四年秦穆公卒二十六年齊邠歌弒其



君懿公

索隱曰：那歌與左氏同而齊采家作那戎者蓋那歌掌御戎車故號那戎那音丙歌亦作鄂

三十五年成公卒

世本曰成公徙濮陽宋忠曰濮陽帝丘地名

子穆公遯立

正義曰

穆公二年楚莊王伐陳殺夏徵舒三年楚莊王

圍鄭鄭降復釋之十一年孫良夫救魯伐齊復得侵地

穆公卒子定公臧立定公十二年卒子獻公衍立獻公

十三年公令師曹教宮妾鼓琴

賈逵曰師曹樂人

妾不善曹管

之妾以幸惡曹於公公亦管曹三百十八年獻公戒孫

文子甯惠子食皆往日盱不召

服虔曰孫文子林父也甯惠子甯殖也救戒二

子欲共晏食皆服朝衣待命盱晏也

而去射鴻於圃二子從之

服虔曰從公於圃

公不釋射服與之言

左傳曰不釋皮冠

二子怒如宿

服虔曰孫文子邑也

○索隱曰左傳作臧此亦音臧

孫文子子數侍公飲

左傳曰文子使師

曹歌巧言之卒章

杜預曰巧言詩小雅也其卒章曰彼何人斯居河之麋無權無勇職為亂

階公欲以譬文子居河一而為亂

師曹又怒公之嘗管三百乃歌之欲

以怒孫文子報衛獻公文子語遽伯玉伯玉曰臣不知

也

賈逵曰伯玉衛大夫

遂攻出獻公奔齊齊置衛獻公於聚

邑孫文子甯惠子共立定公弟秋為衛君是為殤公

徐廣

曰班氏云獻公弟焱

殤公秋立封孫文子林父於宿十二年甯喜

與孫林父爭寵相惡殤公使甯喜攻孫林父林父奔晉

復求入故衛獻公獻公在齊齊景公聞之與衛獻公如

晉求人晉為伐衛誘與盟衛殤公會晉平公平公執殤



公與甯喜而復入衛獻公獻公亡在外十二年而入獻  
公後元年誅甯喜三年吳延陵季子使過衛見蘧伯玉  
史鮪曰衛多君子其國無故過宿孫林父為擊磬曰不  
樂音大悲使衛亂乃此矣是年獻公卒子襄公惡立襄  
公六年楚靈王會諸侯襄公稱病不往九年襄公卒初  
襄公有賤妾幸之有身夢有人謂曰我康叔也今若子  
必有衛名而子曰元妾怪之問孔成子服虔曰衛成子  
曰康叔者衛祖也及生子男也以告襄公襄公曰天所  
置也名之曰元襄公夫人無子於是乃立元為嗣是為  
靈公靈公五年朝晉昭公六年楚公子棄疾弑靈王自

立為平王十一年火三十八年孔子來祿之如魯後有

隙孔子去後復來三十九年太子蒯聵與靈公夫人南

子有惡賈逵曰南子宋女欲殺南子蒯聵與其徒戲陽遯謀朝

使殺夫人賈逵曰戲陽遯太子家戲陽後悔不果蒯聵

數目之夫人覺之懼呼曰正義曰呼太子欲殺我靈公

怒太子蒯聵犇宋已而之晉趙氏四十二年春靈公遊

于郊令子郚僕賈逵曰僕御也郚靈公少子也字子南靈公怨

太子出犇謂郚曰我將立若為後郚對曰郚不足以辱

社稷君更圖之服虔曰郚自謂已無德夏靈公卒夫人

命子郚為太子曰此靈公命也郚曰亡人太子蒯聵之



子輒在也不敢當於是衛乃以輒為君是為出公六月  
乙酉趙簡子欲入蒯聵乃令陽虎詐命衛十餘人衰經  
歸服虔曰衰經為若從衛來迎太子也簡子送蒯聵衛人聞之發兵擊蒯  
聵蒯聵不得入入宿而保衛人亦罷兵出公輒四年齊  
田乞弑其君孺子八年齊鮑子弑其君悼公孔子自陳  
入衛九年孔文子問兵於仲尼仲尼不對其後魯迎仲  
尼仲尼反魯十二年初孔圉文子取太子蒯聵之姊生  
惺孔氏之豎渾良夫美好孔文子卒良夫通於惺母太  
子在宿惺母使良夫於太子太子與良夫言曰苟能入  
我國報子以乘軒免子三死毋所與杜預曰軒大夫車也三死死罪三

與之盟許以惺母為妻閏月良夫與太子入舍孔氏之

外圍尋二人蒙衣而乘服虔曰二人謂良夫太子蒙衣為婦人之服以巾蒙其頭而共

也乘也宦者羅御如孔氏孔氏之老樂甯問之服虔曰家臣稱老問其姓

名稱稱姻妾以告賈逵曰婚也遂入適伯姬氏服虔曰入孔氏家適伯姬

所居既食惺母杖戈而先服虔曰先至孔惺所太子與五人介與猥

從之賈逵曰介被甲也與猥豚欲以盟故也伯姬劫惺於廁彊盟之遂劫

以登臺服虔曰於衛臺上召衛羣臣樂甯將飲酒炙未熟聞亂使告

仲由服虔曰季路為孔氏邑宰故告之召護駕乘車服虔曰召護衛大夫駕乘車不駕兵

車也言無距父之意行爵食炙服虔曰樂甯使召季路乃行爵食炙奉出公輒奔魯

護奉衛侯服虔曰召仲由將入遇子羔將出賈逵曰子羔衛大夫高柴孔子弟子也將



出日門已閉矣子路曰吾姑至矣杜預曰且欲至門子羔曰不

及莫踐其難鄭衆曰是時輒已出不及事不當踐其難子羔言不及以為季路欲死國也子

路曰食焉不辟其難服虔曰言食懼之祿欲救子羔遂

出子路入及門公孫敢闔門曰毋入為也服虔曰公孫敢衛大夫言

輒已出無為復入子路曰是公孫也求利而逃其難由不然利

其祿必救其患有使者出子路乃得入曰太子焉用孔

悝雖殺之必或繼之王肅曰必有繼績其後攻太子且曰太子無勇若

燔臺必舍孔叔太子聞之懼下石乞孟廩敵子路服虔曰三

子蒯聵之臣敵當也正義曰燔音煩舍音捨廩音乙減反以戈擊之割纓子路自

君子死冠不免服虔曰不使冠在地結纓而死正義曰纓冠綆也孔子聞

衛亂曰嗟乎柴也其來乎由也其死矣孔悝竟立太子

蒯聵是為莊公莊公蒯聵者出公父也居外怨大夫莫

迎立元年即位欲盡誅大臣曰寡人居外久矣子亦嘗

聞之乎羣臣欲作亂乃止二年魯孔丘卒三年莊公上

城見戎州索隱曰左傳云戎州人攻之是也隱二年公會戎于著杜預云陳留濟陽縣東南有戎城

齊陽與衛近故莊公登臺而望見戎州又七年曰戎虜何

為是戎州病之十月戎州告趙簡子簡子圍衛十一月

莊公出奔索隱曰左傳莊公本由晉趙氏納之立而晉

莊公復入服虔曰奔初公登城見戎州已氏之妻髮美

公莊公懼踰比牆折股入已氏已氏殺之今系家不言

莊公復入及死已氏直云出奔亦其疎也又左傳云衛

萬曆二十六年刊

史記卷三十三

哀



復立般師齊伐衛立公子起執般師明年衛石圃逐其君起起奔齊出公輒復歸是左氏詳而系家畧也衛人立公子般師為衛君左傳曰班師齊伐衛虜班師更

立公子起為衛君服虔曰起靈公子衛君起元年衛石曼專逐

其君起索隱曰左傳作石圃此專音圃穀梁作曼姑專或音姑諸本多無曼字起奔齊衛

出公輒自齊復歸立初出公立十二年亡亡在外四年

復入出公後元年賞從亡者立二十一年卒索隱曰按出公初立

十二年亡在外四年復入九年卒是立二十一年自即位至卒凡經二十五年而卒于越

黔攻出公子而自立是為悼公悼公五年卒索隱曰紀年云四年

卒于越系本名虔子敬公弗立世本云敬公費也敬公十九年卒子昭

公糾立索隱曰系本云敬公生機公非也是時三晉彊衛如小侯屬之

正義曰昭公六年公子疊正義曰音尾弒之代立是為懷公屬趙也

懷公十一年公子頹弒懷公而代立是為慎公慎公父

公子適索隱曰音的系本適作虔虔悼公也適父敬公也慎公四十二年

卒子聲公訓立索隱曰訓亦作馴同休聲公十一年卒

子成侯邀立索隱曰音邀系本作不逝按上穆公已名邀不可成侯更名則系本是也成侯

十一年公孫鞅入秦索隱曰秦本紀云孝公元年鞅入秦又按年表成侯與秦孝公同年

然則十一年當為元年字誤爾十六年衛更貶號曰侯二十九年成侯

卒子平侯立平侯八年卒子嗣君立索隱曰樂資據紀年以嗣君即孝襄

侯嗣君五年更貶號曰君獨有濮陽四十二年卒子懷

君立懷君二十一年朝魏魏囚殺懷君魏更立嗣君弟



是為元君元君為魏壻故魏立之徐廣曰班氏云元君者懷君之弟元

君十四年秦拔魏東地秦初置東郡更徙衛野王縣而

并濮陽為東郡索隱曰魏都大梁濮陽黎陽並是魏之東地故立郡名東郡也二十五

年元君卒子君角立年表云元君十一年秦置東郡十二年徙野王二十三年卒○索隱

日年表與此不同徐註備矣君角九年秦并天下立為始皇帝二十

一年二世廢君角為庶人衛絕祀

太史公曰余讀世家言至於宣公之太子以婦見誅弟

壽爭死以相讓此與晉太子申生不敢明驪姬之過同

俱惡傷父之志然卒死亡何其悲也或父子相殺兄弟

相滅亦獨何哉

索隱述贊曰

司寇受封

梓材有作

成錫厥器

夷加其爵

暨武能修

從文始約

詩美歸燕

傳矜石碣

皮冠射鴻

乘軒使鶴

宣縱淫嬖

豐生伋朔

蒯聵得罪

出公行惡

衛祚日衰

失於君角



史記卷三十七終

史記卷三十八

宋微子世家第八

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞索隱  
唐諸王侍讀率府長史張守節正義

皇明朝列大夫國子監祭酒臣劉應秋  
承直郎國子監司業臣楊道賓等奉

勅重較刊  
皇明朝列大夫國子監祭酒臣吳士元  
承直郎司業仍加俸一級臣黃錦等奉

微子開者殷帝乙之首子而紂之庶兄也孔安國曰微子

爵也為紂卿士○索隱曰按尚書微子之命篇云命微子啓代殷後今此名開者避漢景帝諱也按尚書亦以

為殷王元子而是紂之兄呂氏春秋云生微子時母猶為妾及為妃而生紂故微子為紂同母庶兄紂既

立不明淫亂於政微子數諫紂不聽及祖伊以周西伯



昌之脩德滅阬

徐廣曰阬音者○索隱曰者即黎也鄒誕云本黎音黎孔安國云黎在土黨東

北即今之黎亭阬國懼禍至以告紂紂曰我生不有命在天乎

是何能為於是微子度紂終不可諫欲死之及去未能

自決乃問於太師少師孔安國曰太師三公箕子也少師孤卿比干也曰殷不

有治政不治四方孔安國曰言殷不有治政四方之事將必亡也我祖遂陳於

上馬融曰我祖湯也孔安國曰言湯遂其功陳力於上世也紂沈湎於酒婦人是用

亂敗湯德於下馬融曰下世也殷既小大好草竊姦宄孔安國曰

草野盜竊又為姦宄於外內卿士師師非度馬融曰非但小人學為

效為非法度皆有罪辜乃無維獲鄭玄曰獲得也羣臣皆有

者言屢相攻奪小民乃並與相為敵讐今殷其典喪若涉水無

津涯徐廣曰一作涉水無舟航言危也駟謂典國典也○索隱曰尚書典作淪篆字變易其義亦殊喪音

息浪殷遂喪越至于今馬融曰越於也於曰太師少師

我其發出往鄭玄曰發起也紂禍敗如此我其起作出往也○索隱曰往尚書作狂蓋亦今又尚

書意異爾吾家保于喪徐廣曰一云於是家保駟案馬融曰卿大夫稱家今女無故

告王肅曰無意告我也予顛躋如之何其馬融曰躋猶

於非義當如之何也太師若曰王子天篤下菑亡殷國

孔安國曰微子帝乙子故曰王子天子天生紂為亂是下菑也鄭玄曰少師不答志在必死乃母畏畏

不用老長孔安國曰上不畏天菑下不畏今殷民乃陋

淫神祇之祀徐廣曰一云今殷民侵神儀又一云陋淫

隱曰尚書作攘竊劉氏云陋淫猶輕穢也今誠得治國國治身死不恨為死



終不得治不如去遂亡箕子者紂親戚也

馬融曰箕國名也子爵也

索隱曰司馬彪曰箕子名胥餘馬融王肅以箕子為紂之諸父服虔杜預以為紂之庶兄杜預云梁國蒙縣有箕子

紂始為象箸索隱曰箸音持略反按下文云為象箸必為玉杯杯箸事相近周禮六樽

有犧象箸壺泰山箸尊者箸地無足是也劉氏音直慮反則杯箸亦食用之物並通為器箕子歎曰

彼為象箸必為玉栝為栝則必思遠方珍怪之物而御

之矣輿馬宮室之漸自此始不可振也紂為淫泆箕子

諫不聽人或曰可以去矣箕子曰為人臣諫不聽而去

是彰君之惡而自說於民吾不忍為也乃被髮佯狂而

為奴遂隱而鼓琴以自悲故傳之曰箕子操風俗通義曰其道閉

塞憂愁而作者命其曲曰操操者言遇菑遭害困厄窮迫雖怨恨失意猶守禮義不懼不厭樂道而不改其操

也王子比干者亦紂之親戚也見箕子諫不聽而為奴

則曰君有過而不以死爭則百姓何辜乃直言諫紂

怒曰吾聞聖人之心有七竅信有諸乎乃遂殺王子比

干剗視其心微子曰父子有骨肉而臣主以義屬故父

有過子三諫不聽則隨而號之人臣三諫不聽則其義

可以去矣於是太師少師乃勸微子去遂行時比干已死而云

似誤周武王伐紂克殷微子乃持其祭器造於軍門肉

袒面縛索隱曰肉袒者袒而露肉也面左牽羊右把茅

膝行而前以告於是武王乃釋微子復其位如故武王

封紂子武庚祿父以續殷祀使管叔蔡叔傅相之武王



既克殷訪問箕子武王曰於乎維天陰定下民相和其

居孔安國曰天不言而默定下民助合其居使有常生之資也我不知其常倫所序

定民之常道理次序問何由箕子對曰在昔鯀墜洪水

汨陳其五行孔安國曰墜塞汨亂也帝乃震怒不從鴻

範九等常倫所斁徐廣曰一作釋駟案鄭玄曰帝天也天以無如是乃震動其威怒不與天

道大法九類言王所問所由敗也鯀則殛死禹乃嗣興天乃錫禹鴻範

九等常倫所序孔安國曰天與禹洛出書也神龜負文

之以成九類初一日五行二日五事三日八政四日五紀五

日皇極六日三德七日稽疑八日庶徵九日嚮用五福

畏用六極馬融曰言天所以五行一日水二日火三日

水四日金五日土鄭玄曰此數本諸陰陽所生之次也水曰潤下火曰炎

上孔安國曰言其木曰曲直孔安國曰木可金曰從革

馬融曰金之性從人而更可銷鑠土曰稼穡王肅曰種之曰穡潤下作鹹

孔安國曰水鹵所生炎上作苦孔安國曰曲直作酸孔安國曰從

革作辛孔安國曰稼穡作甘孔安國曰酸孔安國曰五

事一日貌二日言三日視四日聽五日思貌曰恭言曰

從馬融曰發言視曰明聽曰聰思曰睿馬融曰恭作肅

從作治馬融曰出令而明作智聰作謀孔安國曰所謀

日上聰則從所以為治也睿作聖孔安國曰於事八政一日食二日貨

三日祀四日司空馬融曰司空掌營城五日司徒孔安



主徒衆教 六日司寇 馬融曰主誅寇害 七日賓 鄭玄曰掌諸侯朝覲之官 八

日師 鄭玄曰掌軍旅之官 五紀 一曰歲 二曰月 三曰日 四曰星辰

馬融曰星二十八宿辰日月之所會也 鄭玄曰星五星也 五曰歷數 孔安國曰歷數節氣之度以爲

歷數敬授民時 皇極 皇建其有極 孔安國曰大中之道 大立

時 五福 用傳錫其庶民 馬融曰當欽是五福 維時其庶

民于女極 馬融曰以其能欽是五福故 錫女保極 鄭玄

賜女以守中之道 凡厥庶民 毋有淫朋 人毋有比德 維皇作極

孔安國曰民有善則無淫過朋黨之惡 比周之德 惟天下皆大爲中正也 凡厥庶民 有猷有

爲 有守 女則念之不協于極 不離于咎 皇則受之 孔安

凡民之行 雖不合於中而不離於咎 惡皆可進用 大法受之 而安而色曰予所好德

女則錫之福 孔安國曰女當安女顏色以謙下人 時人

斯其維皇之極 孔安國曰不合于中之人 女與之福 母

侮鰥寡而畏高明 馬融曰高明顯寵 人之有能有爲 使

羞其行而國其昌 王肅曰使進其行任 凡厥正人 既富

方穀 孔安國曰正直之人 既當爵 女不能使有好于而

家時人 斯其辜 孔安國曰不能使正人有好於國 于其

母好女 雖錫之福 其作女用咎 鄭玄曰無好於女家之

作爲女用 惡謂爲 母偏母 頗遵王之義 孔安國曰偏不

天子結怨於民 母有作好 遵王之道 母有作惡 遵王之路 母

偏母 黨王道 蕩蕩 母黨 母偏 王道 平平 母反 母側 王道

周曆二十六年刊



正直會其有極鄭玄曰謂君也當會聚歸其有極鄭玄

臣也當就有中曰王極之傳言馬融曰王者當盡極行

是夷是訓于帝其順馬融曰是大中而常行之用凡厥

庶民極之傳言是順是行王肅曰民納言於上而以近

天子之光王肅曰近猶益也順行曰天子作民父母以

為天下王三德一曰正直鄭玄曰中二曰剛克三曰柔

克鄭玄曰克能也剛而能柔柔平康正直孔安國曰世

治而能剛寬猛相濟以成治功世疆內友柔克孔安

世和順以柔能治之也沈漸剛克馬融曰沈陰也潛

索隱曰內當為熒熒和也伏也陰伏之謀謂高明柔克馬融曰高明君維

剛君親無將將而誅焉高明柔克子亦以德懷也

辟作福維辟作威維辟王食馬融曰辟君也不言王者

爵賞也作威專刑罰臣無有作福作威玉食臣有作福

也玉食脩珍美也也作威玉食其害于而家凶于而國人用側頗辟民用僭

忒孔安國曰在位不稽疑擇建立卜筮人孔安國曰龜

考正疑事當選擇知乃命卜筮曰雨曰濟曰涕尚書作

卜筮人而建立之曰霧徐廣曰

隱曰涕音亦尚書作驛孔安國曰氣駱驛曰霧徐廣曰

連續今此文作涕是涕泣亦相連之狀也曰霧徐廣曰

音蒙蒙與霧亦通曰克曰貞曰悔凡七卜五占之用二

衍貞鄭玄曰十五占之用謂雨濟圍霧克也二衍貞謂

卦之名凡七龜用五易用二審此道者乃立之也雨者

萬曆二十六年刊

卷之三

六



晦猶終也卦象多變故言衍貴立時人為卜筮鄭玄曰立是能分別龜卦之名者以為卜筮人

三人占則從二人之言女則有大疑謀及女心謀及卿

士謀及庶人謀及卜筮女則從龜從筮從卿士從庶民

從是之謂大同而身其康彊而子孫其逢吉女則從龜

從筮從卿士逆庶民逆吉卿士從龜從筮從女則逆庶

民逆吉庶民從龜從筮從女則逆卿士逆吉鄭玄曰此三者皆從

多故為吉女則從龜從筮逆卿士逆庶民逆作內吉作外凶

鄭玄曰此逆者多以故舉龜筮共違于人用靜吉用作

凶孔安國曰安以守常則吉動則凶鄭玄曰龜筮皆與人謀相違人雖三從猶不可以舉事庶徵曰

雨曰暘曰奧曰寒曰風曰時孔安國曰雨以潤物陽以乾物暘以長物寒以成物

風以動物五者各以時所以為眾驗五者來備各以其序庶草繁庶孔安國曰

言五者備至各以次序一極備凶一極亡凶孔安國曰

則眾草木繁庶滋豐也一極備凶一極亡凶曰休徵孔安國曰叙曰肅

過甚則凶一者極無不至亦凶謂其不時失敘之謂也曰治時暘若孔安國曰君政曰

時雨若孔安國曰君行曰謀時寒若孔安國曰君能曰

知時奧若孔安國曰君昭曰咎徵孔安國曰敘曰

日聖時風若孔安國曰君能通曰咎徵孔安國曰敘曰

狂常雨若孔安國曰君行在曰僭常暘若孔安國曰君

賜順曰舒常奧若孔安國曰君行逸曰急常寒若孔安國曰君

君行急則曰霧常風若孔安國曰君行霧王胥維歲馬

如歲兼四時也卿士維月孔安國曰卿士各有別師尹

萬曆二十六年刊

史記卷下八

卷

七



維日孔安國曰象正官之吏分歲月日時毋易日孔安國曰各順

常百穀用成治用明孔安國曰歲月無易則百峻民用

章家用平康孔安國曰賢臣日月歲時既易百穀用不

成治用昏不明峻民用微家用不寧庶民維星孔安國曰星民

象故衆民星有好風星有好雨馬融曰箕星好日月之

行有冬有夏孔安國曰日月之月之從星則以風雨孔

國曰月經于箕則多風離于畢則多五福一曰壽二曰

富三曰康寧四曰攸好德五曰考終命孔安國曰各成

自終不六極一曰凶短折鄭玄曰未亂曰凶未二曰疾

三曰憂四曰貧五曰惡孔安國曰六曰弱鄭玄曰愚懦

於是武王乃封箕子於朝鮮索隱曰朝鮮音潮而不臣

也其後箕子朝周過故殷虛感宮室毀壞生禾黍箕子

傷之欲哭則不可欲泣為其近婦人索隱曰婦人之乃

作麥秀之詩以歌詠之其詩曰麥秀漸漸兮禾黍油油

索隱曰漸漸麥芒之狀音子廉反又彼佼僮兮不與我

好兮所謂狡童者紂也殷民聞之皆為涕泣杜預曰梁

箕子武王崩成王少周公旦代行政當國管蔡疑之乃

與武庚作亂欲襲成王周公徐廣曰一云周公既承成

王命誅武庚殺管叔放蔡叔乃命微子開代殷後奉其

先祀作微子之命以申之國于宋世本曰宋微子故能



仁賢乃代武庚故殷之餘民甚戴愛之微子開卒立其

弟衍是為微仲

禮記曰微子舍其孫臚而立衍也鄭玄曰微子適子死立其弟衍殷禮也○索

隱曰家語微子弟仲思名衍一名世嗣微子為宋公雖遷爵易位而班級不過其故故以舊官為稱故二子雖

為宋公猶微至子微仲卒子宋公稽立索隱曰譙周二子雖稽乃稱宋公也

宋公稽卒子丁公申立丁公申卒子湑公共立湑公共

卒弟煬公熙立煬公即位湑公子鮒祀弒煬公而自立

徐廣曰鮒一作鮒○索隱曰譙周亦作鮒祀據左氏曰即湑公庶子也弒煬公欲立太子弗父何何讓不受曰

我當立是為厲公厲公卒子釐公舉立釐公十七年周

厲王出奔彘二十八年釐公卒子惠公颯立呂忱曰颯音古莫反

惠公四年周宣王即位三十一年惠公卒子哀公立哀公

元年卒子戴公立戴公二十九年周幽王為犬戎所殺

秦始列為諸侯三十四年戴公卒子武公司空立武公

生女為魯惠公夫人生魯桓公十八年武公卒子宣公

力立宣公有太子與夷十九年宣公病讓其弟和曰父

死子繼兄死弟及天下通義也我其立和和亦三讓而

受之宣公卒弟和立是為穆公穆公九年病召大司馬

孔父謂曰先君宣公舍太子與夷而立我我不敢忘我

死必立與夷也孔父曰羣臣皆願立公子馮穆公曰毋

立馮吾不可以負宣公於是穆公使馮出居于鄭八月

庚辰穆公卒兄宣公子與夷立是為殤公君子聞之曰



宋宣公可謂知人矣立其弟以成義然卒其子復享之  
殤公元年衛公子州吁弑其君完自立欲得諸侯使告  
於宋口馮在鄭必為亂可與我伐之宋許之與伐鄭至  
東門而還二年鄭伐宋以報東門之役其後諸侯數來  
侵伐九年大司馬孔父嘉妻好出道遇太宰華督服虔曰督  
戴公督說目而觀之服虔曰目者極督利孔父妻乃使  
人宣言國中曰殤公即位十年爾而十一戰賈逵曰一  
其東門二戰取其禾三戰取邾田四戰邾鄭伐宋人其  
郭五戰伐鄭圍長葛六戰鄭以王命伐宋七戰魯攻宋  
師于菅八戰宋衛人鄭九戰伐戴十戰民苦不堪皆孔  
父為之我且殺孔父以寧民是歲魯弑其君隱公十年

華督攻殺孔父取其妻殤公怒遂弑殤公而迎穆公子  
馮於鄭而立之是為莊公莊公元年華督為相九年執  
鄭之祭仲要以立突為鄭君祭仲許竟立突十九年莊  
公卒子湣公捷立湣公七年齊桓公即位九年宋水魯  
使臧文仲往弔水湣公自罪曰寡人以不能事鬼神政  
不脩故水臧文仲善此言此言乃公子子魚教湣公也  
十年夏宋伐魯戰於乘丘徐廣曰乘一作騰駟魯生虜  
宋南宮萬賈逵曰南宮宋人請萬萬歸宋十一年秋湣  
公與南宮萬獵因博爭行湣公怒辱之曰始吾敬若今  
若魯虜也萬有力病此言遂以局殺湣公于蒙澤賈逵

萬曆二十六年刊  
史記卷三十八  
蒙



澤宋澤名也杜預曰大夫仇牧聞之以兵造公門萬搏

宋地梁國有蒙縣 牧牧齒著門闔死何休曰因殺太宰華督乃更立公子

游為君諸公子犇蕭公子禦說犇毫服虔曰蕭毫宋邑也杜預曰今沛國

有蕭縣蒙縣西北有亳城也 萬弟南宮牛將兵圍亳冬蕭及宋之諸

公子共擊殺南宮牛弑宋新君游而立湣公弟禦說是

為桓公宋萬犇陳宋人請以賂陳陳人使婦人飲之醇

酒服虔曰宋萬多力勇不可執故先使婦人誘而飲之酒醉而縛之以革裹之歸宋左傳

曰以犀革裹之 宋人醢萬也服虔曰醢肉醬桓公二年諸侯伐宋至郊

而去三年齊桓公始霸二十三年迎衛公子燬於齊立

之是為衛文公文公女弟為桓公夫人秦穆公即位三

十年桓公病太子茲甫讓其庶兄目夷為嗣桓公義太

子意竟不聽三十一年春桓公卒太子茲甫立是為襄

公以其庶兄目夷為相未葬而齊桓公會諸侯于葵丘

襄公往會襄公七年宋地賈星如雨與雨偕下左傳曰

宋五隕 六鵲退蜚公羊傳曰視之則六察之則鵲徐察

星也 賈石于宋五賈星也六鵲退飛宋都是當宋襄公之

時訪內史叔與曰吉凶焉在對曰君將得諸侯而不終

也然莊七年傳又云恒星不見夜中星賈如雨與雨偕

也且與雨偕下自在別年不與賈石退鵲之事同此史

以賈石為賈星遂連恒星不見之風疾也賈達曰風起

時與雨偕為文故與左傳小異也 風疾也 於遠至宋都

高而疾故鵲 八年齊桓公卒宋欲為盟會十二年春宋

襄公為鹿上之盟杜預曰鹿上宋地以求諸侯於楚楚



人許之公子目夷諫曰小國爭盟禍也不聽秋諸侯會

宋公盟于孟社預曰孟宋地目夷曰禍其在此乎君欲已甚何

以堪之於是楚執宋襄公以伐宋冬會于亳以釋宋公

子魚曰禍猶未也十三年夏宋伐鄭子魚曰禍在此矣

秋楚伐宋以救鄭襄公將戰子魚諫曰天之弃商久矣

不可冬十一月襄公與楚成王戰于泓楚人未濟目夷

曰彼衆我寡及其未濟擊之公不聽已濟未陳又曰可

擊公曰待其已陳陳成宋人擊之宋師大敗襄公傷股

國人皆怨公公曰君子不困人於阨不鼓不成列何休曰軍

法以鼓戰以金止不鼓不戰也不成列未成陳子魚曰兵以勝爲功何常言與

徐廣曰一云尚何言矣必如公言即奴事之爾又何戰爲楚成王

已救鄭鄭享之去而取鄭二姬以歸索隱曰謂鄭大夫羊氏姜氏之女既

是鄭女故云二姬叔瞻曰成王無禮正義曰謂取鄭二姬也其不没乎爲

禮卒於無別有以知其不遂霸也是年晉公子重耳過

宋襄公以傷於楚欲得晉援厚禮重耳以馬二十乘服

日八十四年夏襄公病傷於泓而竟卒索隱曰春秋戰于泓在僖二十

三年重耳過宋及襄公卒在二十四年今此文以重耳過與傷泓共歲故云是年又重耳過與宋襄公卒共是

一歲則不合更云十四年是進退俱不合於左氏蓋太史公之踈爾子成公王臣立成公

元年晉文公即位三年倍楚盟親晉以有德於文公也

四年楚成王伐宋宋告急於晉五年晉文公救宋楚兵



去九年晉文公卒十一年楚太子商臣弒其父成王代

立十六年秦穆公卒十七年成公卒正義曰年表云成公孫固殺成公

公弟禦殺太子及大司馬公孫固正義曰世木云宋莊公孫名固為大司馬

而自立為君宋人共殺君禦而立成公少子杵臼正義曰年表云

表云宋昭元年杵臼襄公之子徐廣曰一云成公少子是為昭公昭公四年宋敗

長翟緣斯於長丘魯世家云宋武公之世獲緣斯於長丘今云此時未詳○索隱曰春秋文

公十一年魯敗翟于咸獲長狄緣斯於長丘齊系家惠公二年長翟來王子城父攻殺之此並取左傳之說散

於諸國系家今考其年歲亦頗相協而魯系家云武公此云昭公蓋此昭當為武然前代雖已有武公此杵臼

當亦謚武也若將不然豈下五年楚莊王即位九年代公子特為君又豈謚昭乎

昭公無道國人不附昭公弟鮑革徐廣曰一賢而下士

先襄公夫人欲通於公子鮑不可服虔曰襄公夫人周

可鮑不肯也乃助之施於國正義曰施或反襄夫人助

大夫華元為右師正義曰公子華元鮑因請得為右師

昭公出獵夫人王姬使衛伯攻殺昭公杵臼弟鮑革立

是為文公元年晉率諸侯伐宋責以弒君聞文公

定立乃去二年昭公子因文公母弟須與武繆戴莊桓

之族為亂文公盡誅之出武繆之族賈逵曰出逐也四年春鄭

命楚伐宋宋使華元將鄭敗宋囚華元華元之將戰殺

羊以食士其御羊羹不及左傳曰御羊斟也故怨馳入鄭軍故

宋師敗得囚華元宋以兵車百乘文馬四百疋賈逵曰文狸文



也玉肅曰文馬畫馬也○正義曰按文馬者裝飾其馬  
四伯匹用牽車伯乘遺鄭贖華元也又云文馬赤鬣縞  
身曰如贖華元未盡入華元亡歸宋十四年楚莊王圍  
黃金

鄭鄭伯降楚楚復釋之十六年楚使過宋宋有前仇執  
楚使九月楚莊王圍宋十七年楚以圍宋五月不解宋  
城中急無食華元乃夜私見楚將子反子反告莊王王  
問城中何如曰析骨而炊何休曰析破人骨也易子而食莊王曰  
誠哉言我軍亦有三日糧以信故遂罷兵去二十二年  
文公卒子共公瑕立始厚葬君子譏華元不臣矣共公  
九年華元善楚將子重又善晉將欒書兩盟晉楚十三  
年共公卒華元為右師魚石為左師司馬唐山攻殺太

子肥欲殺華元華元犇晉魚石止之至河乃還皇覽曰華元冢

在陳留小黃縣城北誅唐山乃立共公少子成是為平公左傳曰魚石奔

楚平公三年楚共王拔宋之彭城以封宋左師魚石四

年諸侯共誅魚石而歸彭城於宋三十五年楚公子圍

弑其君自立為靈王四十四年平公卒子元公佐立元

公三年楚公子棄疾弑靈王自立為平王八年宋火十

年元公母信詐殺諸公子大夫華向氏作亂楚平王太

子建來弒見諸華氏相攻亂建去如鄭十五年元公為

魯昭公避季氏居外為之求入魯行道卒子景公頭曼

立索隱曰按曼立音萬景公十六年魯陽虎來奔已復去二十五

萬曆二十六年刊



年孔子過宋宋司馬桓魋惡之欲殺孔子孔子微服去

三十年曹倍宋又倍晉宋伐曹晉不救遂滅曹有之正義

日宋景公滅曹在魯哀公八年周敬王三十三年也三十六年齊田常弑簡公三

十七年楚惠王滅陳熒惑守心心宋之分野也景公憂

之司星子韋曰可移於相景公曰相吾之股肱曰可移

於民景公曰君者待民曰可移於歲景公曰歲饑民困

吾誰為君子韋曰天高聽卑君有君人之言三熒惑宜

有動於是候之果徙三度六十四年景公卒宋公子特

攻殺太子而自立是為昭公索隱曰特一作得按左傳景公無子取元公庶曾孫

公孫周之子得及蔽畜于公宮及景公卒先立啟後昭立得是為昭公與此全乖未知太史公據何為此說

公者元公之曾庶孫也昭公父公孫糾糾父公子禚秦

徐廣曰禚音端禚秦即元公少子也景公殺昭公父糾索隱曰左傳云

名故昭公怨殺太子而自立昭公四十七年卒于悼公

購由立年表云四十九年○悼公八年卒索隱曰紀年

于休公田立休公二十三年卒于辟公辟兵立徐廣曰

公兵○索隱曰紀年作桓侯璧兵則璧兵謚桓也又莊

也司馬彪云呼辟使人避道蒙人以辟公三年卒于剔

成立年表云剔成君也○索隱曰王邵按剔成四十一

年剔成弟偃攻襲剔成剔成敗犇齊偃自立為宋君君

偃十一年自立為王索隱曰戰國策呂氏春秋皆以偃謚康王東敗齊取五



城南敗楚取地三百里西敗魏軍乃與齊魏為敵國盛  
血以韋囊縣而射之命曰射天淫於酒婦人羣臣諫者  
輒射之於是諸侯皆曰桀宋宋其復為紂所為不可不  
誅告齊伐宋王偃立四十七年齊湣王與魏楚伐宋殺  
王偃遂滅宋而三分其地年表云偃立四十二年

太史公曰孔子稱微子去之箕子為之奴比干諫而死

殷有三仁焉何晏曰仁者愛人三人行異而同稱仁者何也以其俱在憂亂而寧民也夏侯玄曰

微子仁之窮也箕子比干智之窮也故或盡材而止或盡心而留皆其極也致極斯君子之事矣是以三仁不

同而其歸一揆也春秋譏宋之亂自宣公廢太子而立弟公羊

君子大居正宋之禍宣公為之也國以不寧者十世襄公之時脩行仁

義欲為盟主其大夫正考父美之故追道契湯高宗殷

所以興作商頌索隱曰今按毛詩商頌序云正考父於周之大師得商頌十二篇以那為首國

語亦同此說今五篇存皆是商家祭祀樂章非考父追作也又考父佐戴武宣則在襄公前且百許歲安得述

而美之斯謬說爾襄公既敗於泓而君子或以為多公羊傳曰

不鼓不成列臨大事而不忘大禮有君傷中國闕禮義

褻之也索隱曰襄公臨大事不忘大禮而君子或以為

盛德太史公褻而述之故云褻之也宋襄之有禮讓也

索隱述贊曰

殷有三仁

微箕紂親

一囚一去

不顧其身

頌美有容

書稱作賓



卒傳家嗣 或敘彝倫 微仲之後

世載忠勤 穆亦能讓 實為知人

傷泓之役 有君無臣 偃號桀末

天之棄殷

史記卷三十八 終

史記卷三十九 晉世家第九

漢 太史令 龍門司馬遷 撰

宋 中郎外兵參軍河東裴駰集解

唐 國子博士弘文學士河內司馬貞素隱

唐 諸王侍讀率府長史張守節正義

皇明朝列大夫國子監祭酒臣劉應秋

承直郎國子監司業臣楊道賓等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

唐叔虞者周武王子而成王弟初武王與叔虞母會時

左傳曰邑姜方娠太叔服虔

曰邑姜武王后齊太公女

子名虞余與之唐及生子文在其手曰虞故遂因命之

曰虞武王崩成王立唐有亂正義曰括地志云故唐城在絳州翼城縣西二十里



即堯裔子所封春秋云夏孔甲時有堯苗裔劉累者以  
秦龍事孔甲夏后嘉之賜氏御龍以夏豕韋之後龍一  
雖死潛醢之以食夏后既而使未之懼而遷於魯縣夏  
后召孟別封劉累之孫于大夏之墟為侯至周成王時  
唐人作亂成王滅之而封太叔更遷唐人子孫于杜謂  
之杜伯即范丐所云在周為杜唐氏按魯縣汝州魯山  
縣是今隨州棗陽縣東南一百五十里上唐鄉故城即後子孫徙於唐  
與叔虞戲削桐葉為珪以與叔虞曰以此封若史佚因  
請擇日立叔虞成王曰吾與之戲爾史佚曰天子無戲  
言言則史書之禮成之樂歌之於是遂封叔虞於唐唐  
在河汾之東方百里故曰唐叔虞世本曰居鄂宋忠曰  
鄂地今在大夏正義  
曰括地志云故鄂城在慈州昌寧縣東北十五里故云在大  
夏縣相近禹都安邑故城在縣東北十五里故云在大  
夏也然封于河汾二水之東方百里姓姬氏字子于唐  
正合在晉州平陽縣不合在鄂未詳

叔子燮是為晉侯

正義曰燮音先隸反括地志云故唐  
城在并州晉陽縣北二里城記云堯

築也國都城記云唐叔虞之子燮父徙居晉水傍今并  
理故唐城唐者即燮父初徙之處也毛詩譜云叔虞子  
燮父以堯墟南有晉侯子寧族是為武侯武侯之子服

人是為成侯成侯子福是為厲侯索隱曰系  
本作輻厲侯子宜

曰是為靖侯靖侯已來年紀可推自唐叔至靖侯五世

無其年數靖侯十七年周厲王迷惑暴虐國人作亂厲

王出奔于彘大臣行政故曰共和正義曰厲王奔彘周  
召和其百姓行政號

曰共十八年靖侯卒子釐侯司徒立釐侯十四年周宣

王初立十八年釐侯卒子獻侯籍立索隱曰系本及  
譙周皆作蘇獻

侯十一年卒子穆侯費王立索隱曰鄒誕本作弗  
生或作潰王並音穆侯



四年取齊女姜氏為夫人七年伐條生太子仇杜預曰條晉地

十年伐千畝有功杜預曰西河界休縣南有地名千畝主少子名曰成師

杜預曰意取晉人師服曰賈逵曰晉大夫異哉君之命子也太

子曰仇仇者讐也少子曰成師成師大號成之者也名

自命也物自定也今適庶名反逆此後晉其能毋亂乎

二十七年穆侯卒弟殤叔自立太子仇出奔殤叔三年

周宣王崩四年穆侯太子仇率其徒襲殤叔而立是為

文侯文侯十年周幽王無道犬戎殺幽王周東徙而秦

襄公始列為諸侯三十五年文侯仇卒子昭侯伯立昭

侯元年封文侯弟成師于曲沃索隱曰河東之縣名曲漢武帝改曰聞善也

沃邑大於翼翼晉君都邑也索隱曰翼本晉都自孝侯已下一號翼侯平陽絳邑

縣東翼城是也成師封曲沃號為桓叔靖侯庶孫欒賔正義曰世本云

欒叔賔父也相桓叔桓叔是時年五十八矣好德晉國之眾

皆附焉君子曰晉之亂其在曲沃矣末大於本而得民

心不亂何待七年晉大臣潘父弑其君昭侯而迎曲沃

桓叔桓叔欲入晉晉人發兵攻桓叔桓叔敗還歸曲沃

晉人共立昭侯子平為君是為孝侯誅潘父孝侯八年

曲沃桓叔卒子鱣代桓叔是為曲沃莊伯索隱曰鱣音

善又八音隨孝侯十五年曲沃莊伯弑其君晉孝侯子翼晉人

攻曲沃莊伯莊伯復入曲沃晉人復立孝侯子鄰為君



是為鄂侯鄂侯二年魯隱公初立鄂侯六年卒曲沃莊

伯聞鄂侯卒乃與兵伐晉周平王使虢公將兵伐曲沃

莊伯莊伯走保曲沃晉人共立鄂侯子光是為哀侯哀

侯二年曲沃莊伯卒子稱代莊伯立正義曰稱尺證反是為曲

沃武公哀侯六年魯弑其君隱公哀侯八年晉侵陘廷

賈逵曰陘南鄙邑名陘廷與曲沃武公謀九年伐晉于汾旁正義曰汾

水之虜哀侯晉人乃立哀侯子小子為君是為小子侯

禮記曰天子未除喪曰余小子生名之死亦小子元年名之鄭玄曰晉有小子侯是取之天子也

曲沃武公使韓萬殺所虜晉哀侯賈逵曰韓萬曲沃曲桓叔之子莊伯弟

沃益彊晉無如之何晉小子之四年曲沃武公誘召晉

小子殺之周桓王使虢仲正義曰馬融云周武王克商封文王異母弟虢仲於夏陽

伐曲沃武公武公入于曲沃乃立晉哀侯弟緡為晉侯

晉侯緡四年宋執鄭祭仲而立突為鄭君晉侯十九年

齊人管至父弑其君襄公晉侯二十八年齊桓公始霸

曲沃武公伐晉侯緡滅之盡以其寶器賂獻于周釐王

釐王命曲沃武公為晉君列為諸侯於是盡併晉地而

有之曲沃武公已即位三十七年矣更號曰晉武公晉

武公始都晉國前即位曲沃通年三十八年武公稱者

先晉穆侯曾孫也索隱曰晉有兩穆侯言先以別後曲沃桓叔孫也桓

叔者始封曲沃武公莊伯子也自桓叔初封曲沃以至



武公滅晉也凡六十七歲而卒代晉為諸侯武公代晉

二歲卒與曲沃通年即位凡三十九年而卒子獻公詭

諸立獻公元年周惠王弟頹攻惠王惠王出奔居鄭之

櫟邑索隱曰櫟鄭邑今河南陽翟是也故鄭之十邑有櫟有華五年伐驪戎得驪姬

韋昭曰西戎之別在驪山也驪姬弟俱愛幸之八年士蔿說公賈逵曰士

蔿晉大夫曰故晉之羣公子多不誅亂且起乃使盡殺諸公

子而城聚都之賈逵曰聚晉邑命曰絳始都絳索隱曰春秋初莊

蔿城絳是也杜預曰今平陽絳邑縣應劭曰絳水出西南也九年晉羣公子既亡奔

號號以其故再伐晉弗克十年晉欲伐號士蔿曰且待

其亂十二年驪姬生奚齊獻公有意廢太子乃曰曲沃

吾先祖宗廟所在而蒲邊秦屈邊翟韋昭曰蒲今蒲坂屈北屈皆在河東

杜預曰蒲今平陽蒲子縣是也不使諸子居之我懼焉於是使太子申

生居曲沃公子重耳居蒲公子夷吾居屈獻公與驪姬

子奚齊居絳晉國以此知太子不立也太子申生其母

齊桓公女也曰齊姜早死申生同母女弟為秦穆公夫

人重耳母翟之狐氏女也夷吾母重耳母女弟也獻公

子八人而太子申生重耳夷吾皆有賢行及得驪姬乃

遠此三子十六年晉獻公作二軍左傳曰王使號公命曲沃伯以一軍為晉

侯今始為二軍公將上軍太子申生將下軍趙夙御戎畢萬為

右伐滅霍滅魏滅耿服虔曰三國皆姬姓魏在晉之蒲坂河東也杜預曰平陽皮氏縣東



南有耿鄉永安縣東北有霍太山也○索隱曰按永安縣西南汾水西有霍城古霍國有霍水出霍太山地志河東北縣古魏國地記亦以為然服虔云在蒲坂非也地記又曰皮氏縣汾水南耿城是故耿國也還

為太子城曲沃賜趙夙耿賜畢萬魏以為大夫士為曰

太子不得立矣分之都城服虔曰邑有先君之主曰都而位以卿賈逵

曰謂將先為之極服虔曰言其祿位極盡於此又安得立不如逃之

無使罪至為吳太伯不亦可乎王肅曰太伯知天命猶在王季奔吳不反

有令名太子不從卜偃曰畢萬之後必大賈逵曰卜偃晉掌大夫

郭萬盈數也魏大名也服虔曰數從一至萬為滿魏喻魏魏高大也以是始

賞天開之矣服虔曰以魏賞畢萬是為天開其福天子曰兆民諸侯曰萬

民今命之大以從盈數其必有衆杜預曰以魏從萬有衆多之象初畢

萬卜仕於晉國遇屯之比賈逵曰震下坎上屯坤下坎上比屯初九變之比辛

廖占之曰吉賈逵曰辛廖晉大夫屯固比入吉孰大焉杜預曰屯險難也所

以為堅固比親密所以得入其後必蕃昌十七年晉侯使太子申生

伐東山賈逵曰東山赤狄別種里克諫獻公賈逵曰里克晉卿里季也曰太子

奉冢祀社稷之粢盛以朝夕視君膳者也服虔曰厨膳飲食故

曰冢子君行則守有守則從服虔曰有代太子守則從之從曰撫軍

服虔曰助君撫循軍士守曰監國古之制也夫率師專行謀也杜預

曰率師者必誓軍旅杜預曰宣號令君與國政之所圖也賈逵

政正卿也非太子之事也師在制命而已杜預曰命稟命則將軍所制

不威專命則不孝故君之嗣適不可以帥師君失其官



杜預曰太子統率師不威將安用之杜預曰專命則不師是失其官

也公曰寡人有子未知其太子誰立里克不對而退見

太子太子曰吾其廢乎里克曰太子勉之教以軍旅賈

曰將不共是懼何故廢乎且子懼不孝母懼不得立服

曰不得脩已而不責人則免於難太子帥師公衣之偏

衣服虔曰偏袞之衣偏異色駁不純袞在中左右異故

曰偏衣杜預曰偏衣左右異色其牛似公服韋昭曰

偏牛也分身之半以授太子佩之金玦服虔曰以金

正義曰上衣去聲下衣如字佩之金玦為玦也韋昭

曰金玦兵要也里克謝病不從太子太子遂伐東山

正義曰玦音决十九年獻公曰始吾先君莊伯武公之誅晉亂而虢常

助晉伐我正義曰言虢助又匿晉亡公子果為亂弗誅

後遺子孫憂乃使荀息以屈產之乘何休曰屈產出名

假道於虞虞假道遂伐虢賈逵曰虞在晉取其下陽以

歸服虔曰下陽虢邑也在太陽東北三獻公私謂驪姬

曰吾欲廢太子以奚齊代之驪姬泣曰太子之立諸侯

皆已知之而數將兵百姓附之柰何以賤妾之故廢適

立庶君必行之妾自殺也驪姬佯譽太子而陰令人譖

惡太子而欲立其子二十一年驪姬謂太子曰君夢見

齊姜太子速祭曲沃服虔曰齊歸釐於君太子於是祭

其母齊姜於曲沃上其薦胙於獻公獻公時出獵置胙

於宮中驪姬使人置毒藥胙中居二日索隱曰傳獻公



從獵來還宰人上胙獻公獻公欲饗之驪姬從傍止之

曰胙所從來遠宜試之祭地地墳韋昭曰將飲先祭示有先也墳起也與

犬犬死與小臣小臣死韋昭曰小臣官名掌陰事今闕士也驪姬泣曰太

子何忍也其父而欲弑代之况他人乎且君老矣且暮

之人曾不能待而欲弑之謂獻公曰太子所以然者不

過以妾及奚齊之故妾願子母辟之他國若早自殺母

徒使母子為太子所魚肉也始君欲廢之妾猶恨之至

於今妾殊自失於此索隱曰太子之行如此妾前見君欲廢而恨之今乃自以恨為失也

太子聞之奔新城韋昭曰新城曲沃也新為太子城獻公怒乃誅其傅

杜原款或謂太子曰為此藥者乃驪姬也太子何不自

辭明之太子曰吾君老矣非驪姬寢不安食不甘即辭

之君且怒之不可或謂太子曰可奔他國太子曰被此

惡名以出人誰內我我自殺爾十二月戊申申生自殺

於新城索隱曰國語云申生乃雉於新城廟此時重耳夷吾來朝人或告

驪姬曰二公子怨驪姬譖殺太子驪姬恐因譖二公子

申生之藥胙二公子知之二子聞之恐重耳走蒲夷吾

走屈保其城自備守初獻公使士蔿為二公子築蒲屈

城弗就正義曰蔿為說反為于偽反夷吾以告公公怒士蔿為謝

曰邊城少寇安用之退而歌曰狐裘蒙茸一國三公吾

誰適從服虔曰蒙茸以言亂貌三公言君與二公子將敵故不知所從卒就城及申生

萬曆二十六年刊

史記卷五十九

卷五十九

八



死二子亦歸保其城二十二年獻公怒二子不辭而去

果有謀矣乃使兵伐蒲蒲人之宦者勃鞞韋昭曰伯楚寺人勃之字

也於文公時為勃鞞也命重耳促自殺重耳踰垣宦者追斬其衣

祛服虔曰祛祛袂也重耳遂奔翟使人伐屈屈城守不可下是歲

也晉復假道於虞以伐虢虞之大夫宮之奇諫虞君曰

晉不可假道也是且滅虞虞君曰晉我同姓不宜伐我

宮之奇曰太伯虞仲太王之子也太伯亡去是以不嗣

虢仲虢叔王季之子也為文王卿士其記勲在王室藏

於盟府杜預曰盟府司盟之官也將虢是滅何愛于虞且虞之親能

親於桓莊之族乎桓莊之族何罪盡滅之虞之與虢唇

之與齒唇亡則齒寒虞公不聽遂許晉宮之奇以其族

去虞其冬晉滅虢虢公醜奔周皇覽曰虢公冢在河內溫縣郭東濟水南太冢

是也其城南有虢公臺還襲滅虞虜虞公及其大夫井伯百里奚

正義曰南雍州記云百里奚宋井伯宛人也以勝秦穆姬杜預曰穆姬獻公女送女曰勝以屈

辱而修虞祀服虔曰虞所祭祀命祀也荀息率曩所遺虞屈產之乘

馬奉之獻公獻公笑曰馬則吾馬齒亦老矣公羊傳曰蓋戲之也

何休曰以馬齒戲二十三年獻公遂發賈華等伐屈賈

曰賈華晉右行大夫屈潰正義曰民逃其上曰潰夷吾將奔翟韋昭曰冀芮音大夫重耳已在矣今往晉必移兵伐翟翟畏晉禍

且及不如走梁梁近於秦秦疆吾君百歲後可以求入

萬曆二十六年刊



焉遂奔梁二十五年晉伐翟翟以重耳故亦擊晉於齧

左傳作采桑服虔曰翟地○索隱曰裴氏云左傳作采桑按今平陽曲南七十里河水有采桑津是晉境

服虔云翟地亦頗相近然字作齧桑齧桑衛地恐非也晉兵解而去當此時晉疆

西有河西與秦接境北邊翟東至河內索隱曰河內河曲也內音汭

驪姬弟生悼子索隱曰左傳作卓子音耻角反弟女弟也二十六年夏齊桓

公大會諸侯於葵丘正義曰在曹州考城縣東南一里晉獻公病行後

未至逢周之宰孔宰孔曰齊桓公益驕不務德而務遠

略諸侯弗平君第毋會索隱曰第但也毋如晉何獻公亦病復

還歸病甚乃謂荀息曰吾以奚齊為後年少諸大臣不

服恐亂起子能立之乎荀息曰能獻公曰何以為驗對

曰使死者復生生者不慙為之驗索隱曰謂荀息受公命而立奚齊雖復身

死不背生時之命是謂死者復生也言生者見荀息不背君命而死不為之羞慙也於是遂屬奚

齊於荀息荀息為相主國政秋九月獻公卒里克邳鄭

欲內重耳以三公之徒作亂賈逵曰邳鄭晉大夫三公子申生重耳夷吾

謂荀息曰三怨將起秦晉輔之子將何如荀息曰吾不

可負先君言十月里克殺奚齊于喪次獻公未葬也荀

息將死之或曰不如立奚齊弟悼子而傅之荀息立悼

子而葬獻公十一月里克弒悼子于朝列女傳曰鞭殺驪姬于市荀

息死之君子曰詩所謂白珪之玷猶可磨也斯言之玷

不可為也其荀息之謂乎不負其言初獻公將伐驪戎



卜曰齒牙爲禍

韋昭曰齒牙謂兆端左右彙折有似齒牙中有縱畫以象讒言之爲害也及

破驪戎獲驪姬愛之竟以亂晉里克等已殺奚齊悼子

使人迎公子重耳於翟

正義曰國語云里克及邲鄭使屠晰迎夷吾公子重耳於翟曰

國亂民擾得國在亂治民在擾子盍人乎欲立之重耳謝曰負父之命出奔

父死不得脩人子之禮侍喪重耳何敢入大夫其更立

他子還報里克里克使迎夷吾於梁夷吾欲往呂省

正義

曰省音青杜預云姓瑕呂名飴生字子金

郤芮

正義曰郤成子即冀芮

曰內猶有公子

可立者而外求難信計非之秦輔疆國之威以人恐危

乃使郤芮厚賂秦約曰即得人請以晉河西之地與秦

乃遺里克書曰誠得立請遂封子於汾陽之邑

賈逵曰汾水名

汾陽晉地也○素隱曰國語云命里克汾陽之田百萬命邲鄭以負蔡之田七十萬今此不言亦疎略也秦

穆公乃發兵送夷吾於晉齊桓公聞晉內亂亦率諸侯

如晉秦兵與夷吾亦至晉齊乃使隰朋會秦俱入夷吾

立爲晉君是爲惠公齊桓公至晉之高梁而還歸惠公

夷吾元年使邲鄭謝秦曰始夷吾以河西地許君今幸

得人立大臣曰地者先君之地君亡在外何以得擅許

秦者寡人爭之弗能得故謝秦亦不與里克汾陽邑而

奪之權四月周襄王使周公忌父

賈逵曰周卿士

會齊秦大夫

共禮晉惠公惠公以重耳在外畏里克爲變賜里克死

謂曰微里子寡人不得立雖然子亦殺二君一大夫



曰奚齊悼于荀息也為子君者不亦難乎里克對曰不有所廢君

何以與欲誅之其無辭乎乃言為此臣聞命矣遂伏劔

而死於是邳鄭使謝秦未還故不及難晉君改葬恭太

子申生韋昭曰獻公時申生葬不如禮故改葬之秋狐突之下國服虔曰晉所滅國以

為下邑一曰曲沃有宗廟故謂之國在絳下故曰下國也遇申生申生與載而告之

杜預曰忽如夢而相見狐突本為申生御故復使登車曰夷吾無禮余得請於帝

帝請罰有罪將以晉與秦秦將祀余狐突對曰臣聞神

不食非其宗君其祀母乃絕乎君其圖之申生曰諾吾

將復請帝後十日左傳曰新城西偏將有巫者見我焉

杜預曰將因巫以見許之遂不見杜預曰狐突許其言申生之象亦沒及期而往復

見申生告之曰帝許罰有罪矣弊於韓賈逵曰弊敗也韓晉韓原為

乃謠曰恭太子更葬矣索隱曰更改也後十四年晉亦

不昌昌乃在兄邳鄭使秦聞里克誅乃說秦繆公曰呂

省卻稱冀芮實為不從杜預曰三子晉大夫不從不與秦賂也○索隱曰呂省左傳作

甥若重賂與謀出晉君入重耳事必就秦繆公許之使

人與歸報晉厚賂三子三子曰幣厚言其此必邳鄭賣

我於秦遂殺邳鄭及里克邳鄭之黨七輿大夫韋昭曰七輿申

弗聽惠公之立倍秦地及里克誅七輿大夫國人附

二年周使召公過韋昭曰召武公為王卿士禮晉惠公惠公禮倨索

萬曆二十六年刊



日謂受玉情也  
事見僖十一年  
召公譏之四年晉饑乞糴於秦繆公問

百里奚服虔曰秦大夫百里奚曰天蓄流行國家代有救蓄恤

鄰國之道也與之邳鄭子豹曰伐之繆公曰其君是惡

其民何罪卒與粟自雍屬絳五年秦饑請糴於晉晉君

謀之慶鄭曰杜預曰慶鄭晉大夫以秦得立已而倍其地約晉饑

而秦貸我今秦饑請糴與之何疑而謀之號射曰服虔曰號射

射惠公勇往年天以晉賜秦秦弗知取而貸我今天以秦賜

晉晉其可以逆天乎遂伐之惠公用號射謀不與秦粟

而發兵且伐秦秦大怒亦發兵伐晉六年春秦繆公將

兵伐晉晉惠公謂慶鄭曰秦師深矣韋昭曰深入境柰

何鄭曰秦內君君倍其賂晉饑秦輸粟秦饑而晉倍之

乃欲因其饑伐之其深不亦宜乎晉卜御右慶鄭皆吉

公曰鄭不孫服虔曰孫順乃更今步陽御戎家僕徒為右服虔曰

曰二子晉進兵九月壬戌秦繆公晉惠公合戰韓原索隱曰驚音竹二

曰在馮翊夏陽北二惠公馬驚不行索隱曰驚音竹二

於秦兵至公窘召慶鄭為御鄭曰不用卜敗不亦當乎

遂去更令梁繇靡御正義曰韋昭云梁繇靡大夫也號射為右輅秦繆

公服虔曰輅迎也繆公壯士冒敗晉軍晉軍敗遂失秦繆公反

獲晉公以歸秦將以祀上帝晉君姊為繆公夫人衰絰

涕泣公曰得晉侯將以為樂今乃如此且吾聞箕子見



唐叔之初封曰其後必當大矣晉庸可滅乎乃與晉侯

盟王城杜預曰馮翊臨晉縣東有王城而許之歸晉侯亦使呂省等報

國人曰孤雖得歸毋面目見社稷卜日立子圉晉人聞

之皆哭秦繆公問呂省晉國和乎對曰不和小人懼失

君亡親正義曰君惠公也親父母也言懼失君國亂恐亡父母不憚立子圉也不憚立子

圉曰必報讐寧事戎狄正義曰小人言立子圉為君之後必報秦終不事秦寧事戎狄

爾其君子則愛君而知罪以待秦命曰必報德有此二

故不和於是秦繆公更舍晉惠公餽之七年正義曰餽音饋一羊一豕

為一牢十一月歸晉侯晉侯至國誅慶鄭修政教謀

曰重耳在外諸侯多利內之欲使人殺重耳於狄重耳

聞之如齊八年使太子圉質秦正義曰質音致初惠公亡在梁

梁伯以其女妻之生一男一女梁伯卜之男為人臣女

為人妾故名男為圉女為妾服虔曰圉人掌養馬臣之賤者不聘曰妾十年

秦滅梁梁伯好土功治城溝賈逵曰溝塹也民力罷正義曰怨音皮怨

其眾數相驚曰秦寇至民恐惑秦竟滅之十三年晉惠

公病內有數子太子圉曰吾母家在梁梁今秦滅之我

外輕於秦而內無援於國君即不起病大夫輕更立他

公子乃謀與其妻俱亡歸秦女曰子一國太子辱在此

秦使婢子侍服虔曰曲禮云世婦以下自稱婢子婢子婦人之卑稱以固子之心

子亡矣我不從子亦不敢言子圉遂亡歸晉十四年九



月惠公卒太子圉立是為懷公子圉之亡秦怨之乃求公子重耳欲內之子圉之立畏秦之伐也乃令國中諸從重耳亡者與期期盡不到者盡滅其家狐突之子毛及偃從重耳在秦弗肯召懷公怒囚狐突突曰臣子事重耳有年數矣今召之是教之反君也何以教之懷公卒殺狐突秦繆公乃發兵送宮重耳使人告欒卻之黨正義曰欒枝為內應殺懷公於高粱入重耳重耳立是為文公晉文公重耳晉獻公之子也自少好士年十七有賢士五人曰趙衰狐偃咎犯文公舅也買佗先軫魏武子自獻公為太子時重耳固已成人矣獻公即位重

耳年二十一獻公十三年以驪姬故重耳備蒲城守秦

獻公二十一年獻公殺太子申生驪姬讒之恐不辭獻

公而守蒲城獻公二十二年獻公使宦者履鞮趣殺重

耳索隱曰履鞮即左傳之勃鞮亦曰寺人披也重耳踰垣宦者逐斬其衣袪

重耳遂奔狄狄其母國也是時重耳年四十三從此五

士其餘不名者數十人至狄狄伐咎如賈逵曰赤狄之別隗姓○索隱

曰咎音高鄒誕本作函如又云或作囚得二女以長女妻重耳生伯儵正義

曰直叔劉以少女妻趙衰生盾索隱曰左傳云伐屠咎如獲其二女以叔隗妻

趙衰生盾公子取季隗生伯儵叔劉則叔隗長而季隗少乃不同也居狄五歲而晉獻公

卒里克已殺奚齊悼子乃使人迎欲立重耳重耳畏殺



因固謝不敢入已而晉更迎其弟夷吾立之是為惠公

惠公七年畏重耳乃使宦者履鞮與壯士欲殺重耳重

耳聞之乃謀趙衰等曰始吾奔狄非以為可用興索隱曰興

起也非狄可用興起故奔之也以近易通故且休足休足久矣固願徙

之大國夫齊桓公好善志在霸王收恤諸侯今聞管仲

隰朋死此亦欲得賢佐盍往乎於是遂行重耳謂其妻

曰待我二十五年不來乃嫁其妻笑曰犁二十五年索隱

曰犁猶比也○正義曰杜預云言將死入木也不復成嫁也吾冢上柏大矣雖然妾

待子重耳居狄凡十二年而去過衛衛文公不禮去過

五鹿賈逵曰衛地杜預曰今衛縣西北有五鹿地名五鹿平陽元城縣界亦有五鹿飢而從野人

乞食野人盛土噐中進之重耳怒趙衰曰土者有土也

君其拜受之至齊齊桓公厚禮而以宗女妻之有馬二

十乘重耳安之重耳至齊二歲而桓公卒會豎刁等為

內亂齊孝公之立諸侯兵數至留齊凡五歲重耳愛齊

女毋去心趙衰咎犯乃於桑下謀行齊女侍者在桑下

聞之以告其主其主乃殺侍者服虔曰懼孝公怒故殺之以滅其口勸重

耳趣行重耳曰人生安樂孰知其他必死於此徐廣曰一云人

生一世必死於此不能去齊女曰子一國公子窮而來此數士

者以子為命子不疾反國報勞臣而懷女德竊為子羞

之且不求何時得功乃與趙衰等謀醉重耳載以行行



遠而覺重耳大怒引戈欲殺咎犯咎犯曰殺臣成子偃之願也重耳曰事不成我食舅氏之肉咎犯曰事不成犯肉腥臊何足食乃止遂行過曹曹共公不禮欲觀重耳駢脇曹大夫釐負羈曰晉公子賢又同姓窮來過我柰何不禮共公不從其謀負羈乃私遺重耳食置璧其下重耳受其食還其璧去過宋宋襄公新困兵於楚傷於泓聞重耳賢乃以國禮禮於重耳索隱曰以國君之禮禮之也宋司馬公孫固善於咎犯曰宋小國新困不足以求入更之大國乃去過鄭鄭文公弗禮鄭叔瞻諫其君曰晉公子賢而其從者皆國相且又同姓鄭之出自厲王而晉

之出自武王鄭君曰諸侯亡公子過此者衆安可盡禮叔瞻曰君不禮不如殺之且後爲國患鄭君不聽重耳去之楚楚成王以適諸侯禮待之索隱曰適音敵重耳謝不敢

當趙衰曰子亡在外十餘年小國輕子况大國乎今楚大國而固遇子子其母讓此天開子也遂以客禮見楚成王厚遇重耳重耳甚卑成王曰子卽反國何以報寡人重耳曰羽毛齒角玉帛君王所餘未知所以報王曰雖然何以報不穀重耳曰卽不得已與君王以兵車會平原廣澤請辟王三舍賈逵曰司馬法從蹶不過三舍三舍九十里也楚將子玉怒曰王遇晉公子至厚今重耳言不孫請殺之成王



曰晉公子賢而困於外久從者皆國器此天所置庸可殺乎且言何以易之

索隱曰子玉請殺重耳楚成王不許言人之出言不可輕易之也

居楚數月而晉太子圉亡秦秦怨之聞重耳在楚乃召之成王曰楚遠更數國乃至晉秦晉接境秦君賢子其

勉行厚送重耳重耳至秦繆公以宗女五人妻重耳故

子圉妻與往重耳不欲受司空季子

服虔曰胥臣曰季也

曰其國

且伐况其故妻乎且受以結秦親而求入子乃拘小禮

忘大醜乎遂受繆公大歡與重耳飲趙衰歌黍苗詩

韋昭

曰詩云芄芃黍苗陰雨膏之繆公曰知子欲急反國矣趙衰與重耳

下再拜曰孤臣之仰君如百穀之望時雨是時晉惠公

十四年秋惠公以九月卒子圉立十一月葬惠公十二

月晉國大夫欒卻等聞重耳在秦皆陰來勸重耳趙衰

等反國為內應甚眾於是秦繆公乃發兵與重耳歸晉

晉聞秦兵來亦發兵拒之然皆陰知公子重耳入也唯

惠公之故貴臣呂卻之屬

正義曰呂甥卻芮也

不欲立重耳重耳

出亡凡十九歲而得入時年六十二矣晉人多附焉文

公元年春秦送重耳至河谷犯曰臣從君周旋天下過

亦多矣臣猶知之况於君乎請從此去矣重耳曰若反

國所不與子犯共者河伯視之

索隱曰視猶見也

乃投璧河中

以與子犯盟是時介子推從在船中乃笑曰天實開公



子而子犯以爲已功而要市於君固足羞也吾不忍與

同位乃自隱渡河秦兵圍令狐晉軍于廬柳韋昭曰廬柳晉地名

二月辛丑咎犯與秦晉大夫盟於郇杜預曰解縣西北有郇城○索隱曰

音荀卽文王之壬寅重耳入于晉師丙午入于曲沃丁

未朝于武宮賈逵曰文公之祖武公廟也卽位爲晉君是爲文公羣

臣皆往懷公圍奔高梁戊申使人殺懷公懷公故大臣

呂省卻芮本不附文公文公立恐誅乃欲與其徒謀燒

公宮殺文公文公不知始嘗欲殺文公宦者履鞮知其

謀欲以告文公解前罪求見文公文公不見使人讓曰

蒲城之事女斬予祛其後我從狄君獵女爲惠公來求

殺我惠公與女期三日至而女一日至何速也女其念

之宦者曰臣刀鋸之餘不敢以二心事君倍主故得罪

於君君已反國其毋蒲翟乎且管仲射鉤桓公以霸今

刑餘之人以事告而君不見禍又且及矣於是見之遂

以呂卻等告文公文公欲召呂卻呂卻等黨多文公恐

初入國國人賣已乃爲微行會秦繆公於王城索隱曰杜預云

馮翊臨晉縣東有故王城今名武鄉城國人莫知三月己丑呂卻等果戾

焚公宮不得文公文公之衛徒與戰呂卻等引兵欲奔

秦繆公誘呂卻等殺之河上晉國復而文公得歸夏迎

夫人於秦秦所與文公妻者卒爲夫人秦送三千人爲



衛以備晉亂文公脩政施惠百姓賞從亡者及功臣大者封邑小者尊爵未盡行賞周襄王以弟帶難出居鄭地來告急晉晉初定欲發兵恐他亂起是以賞從亡未至隱者介子推推亦不言祿祿亦不及推曰獻公子九人唯君在矣惠懷無親外內奔之天未絕晉必將有主主晉祀者非君而誰天實開之二三子以爲己力不亦誣乎竊人之財猶曰是盜况貪天之功以爲己力乎下冒其罪上賞其姦上下相蒙服虔曰蒙欺也難與處矣其母曰盍亦求之以死誰懟推曰尤而效之罪有甚焉且出怨言不食其祿母曰亦使知之若何對曰言身之文也身

欲隱安用文之文之是求顯也其母曰能如此乎與女偕隱至死不復見介子推從者憐之乃懸書宮門曰龍

欲上天五蛇爲輔

索隱曰龍喻重耳五蛇卽五臣狐偃趙衰魏武子司空季子及子推也舊

云五臣有先軫顛頡今恐二人非其數

龍已升雲四蛇各入其宇一蛇獨

怨終不見處所文公出見其書曰此介子推也吾方憂

王室未圖其功使人召之則亡遂求所在聞其入緜上

山中

賈逵曰緜上晉地杜預曰西河介休縣南有地名緜上

於是文公環緜上山

中而封之以爲介推田

徐廣曰一作國

號曰介山以記吾過且

旌善人從亡賤臣壺叔曰君三行賞賞不及臣敢請罪

文公報曰夫導我以仁義防我以德惠此受上賞輔我



以行卒以成立此受次賞矢石之難汗馬之勞此復受

次賞若以力事我而無補吾缺者此受次賞三賞之後

故且及子晉人聞之皆說二年春秦軍河上將入王

日河上趙衰曰求霸莫如入王尊周周晉同姓晉不先

入王後秦入之毋以令于天下方今尊王晉之資也三

月甲辰晉乃發兵至陽樊服虔曰陽樊周地陽邑名也樊仲山之所居故曰陽樊

圍温入襄王于周四月殺王弟帶周襄王賜晉河內陽

樊之地四年楚成王及諸侯圍宋宋公孫固如晉告急

先軫曰報施定霸於今在矣杜預曰報宋贈馬之施狐偃曰楚新

得曹而初婚於衛若伐曹衛楚必救之則宋免矣於是

晉作三軍王肅曰始復成國之禮半周軍也趙衰舉卻縠將中軍卻縠

佐之使狐偃將上軍狐毛佐之命趙衰為卿欒枝將下

軍賈逵曰欒枝欒賓之孫先軫佐之荀林父御戎魏犢為右正義曰犢

昌由反又音受往伐冬十二月晉兵先下山東而以原封趙衰

杜預曰河內沁水縣西北有原城五年春晉文公欲伐曹假道於衛衛

人弗許還自河南度侵曹伐衛正月取五鹿二月晉侯

齊侯盟于欽孟杜預曰衛地也衛侯請盟晉晉人不許衛侯欽

與楚國人不欲故出其君以說晉衛侯居襄牛服虔曰衛地也

公子買守衛楚救衛不卒徐廣曰一作勝晉侯圍曹三月丙午

晉師入曹數之以其不用釐負羈言而用美女乘軒者



三百人也令軍毋入僖負羈宗家以報德楚圍宋宋復告急晉文公欲救則攻楚為楚嘗有德不欲伐也欲釋宋宋又嘗有德於晉患之索隱曰晉若攻楚則傷楚于送其入秦之德又欲釋宋不救乃虧宋公贈馬之惠先軫曰執曹伯分曹衛地以與進退有難是以患之

宋楚急曹衛其勢宜釋宋索隱曰楚初得曹又新婚於衛今晉執曹伯而分曹衛之地與宋則楚急曹衛其勢宜釋宋也於是文公從之而楚成王乃引兵歸楚將子玉曰王遇晉至厚今知楚急曹衛而故伐之是輕王王曰晉侯亡在外十九年困日久矣果得反國險阨盡知之能用其民天之所開不可當子玉請曰非敢必有功願以聞執讒慝之口也服虔曰子玉非敢求有大功但欲執為賈讒慝

之口謂子玉過三百乘不能入也杜預曰執猶塞也楚王怒少與之兵於是子玉使宛春告晉賈逵曰宛春楚大夫請復衛侯而封曹臣亦釋宋登

犯日子玉無禮矣君取一臣取二勿許韋昭曰君文公謂釋宋圍二謂復曹衛先軫曰定人之謂禮楚一言定三國子一言而亡之我則毋禮不許楚是棄宋也不如私許曹衛

以誘之執宛春以怒楚韋昭曰怒楚令必戰既戰而後圖之杜預曰須勝負決乃定計晉侯乃囚宛春於衛且私許復曹衛曹衛告絕於楚楚得臣怒得臣即子玉擊晉師晉師退軍吏曰為何退

文公曰昔在楚約退三舍可倍乎楚師欲去得臣不肯四月戊辰宋公齊將秦將與晉侯次城濮賈逵曰衛地也○索隱曰



未公成公王臣齊將國歸父秦將小子憇也巴已與楚兵合戰楚兵敗得臣

收餘兵去甲午晉師還至衡雍杜預曰衡雍鄭地今榮陽卷縣也作王

宮于踐土服虔曰既敗楚師襄王自往臨踐土賜命晉侯晉侯聞而為之作宮○索隱曰杜預云踐

土鄭地然據此文晉師還至衡雍衡雍在河南也故劉氏云踐土在河南下文踐土在河北今元城縣西有踐

土驛義初鄭助楚楚敗懼使人請盟晉侯與鄭伯

盟五月丁未獻楚俘於周駟介百乘徒兵千服虔曰駟

甲也徒兵天子使王子虎命晉侯為伯賈逵曰王子虎周大夫賜

大輅彤弓矢百茲弓矢千賈逵曰大輅金輅彤弓赤茲弓黑也桓鬯一卣

珪瓚賈逵曰桓黑黍鬯香酒也所以降神自器名虎賁三百人賈逵曰天子卒曰虎賁

晉侯三辭然後稽首受之賈逵曰稽首首至地周作晉文侯命王

若曰父義和孔安國曰同姓故稱曰父馬融曰王頌曰父能以義和我諸侯○索隱曰尚書文侯

之命是平王命晉文侯仇之語今此乃是襄王命文公

重耳之事代數懸隔勳策全垂太史公雖復彌縫左氏而系家頗亦時有疎謬裴氏集解亦引孔馬之注而都

不言時代爭角何習迷而同醉也然計平王至襄王為七代仇至重耳為十一代而十三侯又平王元年晉

僖二十八年當襄二十年為一百三十餘歲矣學者頗合討論之劉伯莊以為蓋天子命晉同此一辭尤非丕顯文武能慎明德孔安國曰文武

皆能詳慎昭登於上布聞在下馬融曰昭明也維時上

顯用明德帝集厥命于文武恤朕身繼予一人永其在位孔安國曰當憂

念我身則我一於是晉文公稱伯癸亥王子虎盟諸侯

於王庭服虔曰王庭踐土也○索隱曰服氏知王庭是踐土者據二十八年五月公會晉侯盟于踐土

又此上文四月甲午作王晉焚楚軍火數日不息文公



歎左右曰勝楚而君猶憂何文公曰吾聞能戰勝安者  
唯聖人是以懼且子玉猶在庸可喜乎子玉之敗而歸  
楚成王怒其不用其言貪與晉戰讓責子玉子玉自殺  
晉文公曰我擊其外楚誅其內內外相應於是乃喜六  
月晉人復入衛侯壬午晉侯度河北歸國行賞狐偃為  
首或曰城濮之事先軫之謀文公曰城濮之事偃說我  
毋失信先軫曰軍事勝為右吾用之以勝然此一時之  
說偃言萬世之功奈何以一時之利而加萬世功乎是  
以先之冬晉侯會諸侯於溫欲率之朝周力未能恐其  
有畔者乃使人言周襄王狩于河陽壬申遂率諸侯朝

王於踐土孔子讀史記至文公曰諸侯無召王王狩河

陽者春秋諱之也丁丑諸侯圍許曹伯臣或說晉侯曰

齊相公合諸侯而國異姓今君為會而滅同姓曹叔振

鐸之後晉唐叔之後合諸侯而滅兄弟非禮晉侯說復

曹伯於是晉始作三行服虔曰辟天子六軍故謂之三行荀林父將中

行先穀將右行索隱曰左傳屠擊將右行與此文異先蔑將左行杜預曰三行無

佐疑大夫帥也。索隱曰按左傳荀林父並是卿而云大夫帥者非也不置佐者當避天子也或新置三行官

未備七年晉文公秦穆公共圍鄭以其無禮於文公亡

過時及城濮時鄭助楚也圍鄭欲得叔瞻叔瞻聞之自

殺鄭持叔瞻告晉晉曰必得鄭君而甘心焉鄭恐乃間



令使謂秦穆公曰索隱曰使謂亡鄭厚晉於晉得矣而

秦未為利君何不解鄭得為東道交索隱曰交猶好也

主秦伯說罷兵晉亦罷兵九年冬晉文公卒子襄公歡

立是歲鄭伯亦卒鄭人或賣其國於秦正義曰左傳云

武說秦師罷命杞子逢孫楊孫三大夫戍鄭杞子自鄭

使告於秦曰鄭人使我掌其北門之管若潛師以來國

可得秦繆公發兵往襲鄭十二月秦兵過我郊襄公元

年春秦師過周無禮王孫滿譏之兵至滑鄭賈人弦高

將市于周遇之以十二牛勞秦師秦師驚而還滅滑而

去晉先軫曰秦伯不用蹇叔反其衆心此可擊樂枝曰

未報先君施於秦擊之不可先軫曰秦侮吾孤伐吾同

姓何德之報遂擊之襄公墨衰經賈逵曰墨變凶杜預

曰以凶服從戎故墨之四月敗秦師于殽虜秦三將孟明視西乞秫白乙丙

以歸遂墨以葬文公文公夫人秦女謂襄公曰秦欲得

其三將戮之公許遣之先軫聞之謂襄公曰患生矣軫

乃追秦將秦將渡河已在船中頓首謝卒不反後三年

秦果使孟明伐晉報殽之敗取晉汪以歸索隱曰左氏

傳文公二年秦孟明視伐晉報殽之役無取晉汪之事又其年冬晉

先且居等伐秦取汪彭衙而還則汪是秦邑止可晉伐

秦取之豈得秦伐晉而取汪也或者晉先取之秦今伐

晉而取汪是汪從晉來故云取晉汪而歸也彭衙在郃

陽北汪不四年秦繆公大興兵伐我渡河取王官正義

地志云王官故城在同州澄城縣西北六十里左傳

文三年秦伐晉取王官即此先言渡河史文顛倒耳封

萬曆二十六年刊 史記卷三十九 秦本紀 三十五



殺尸而去晉恐不敢出遂城守五年晉伐秦取新城服

日秦邑新所作城也報王官役也六年趙衰成子樂貞子咎季子

犯霍伯皆卒賈逵曰樂貞子樂枝也霍伯先且居也趙盾代趙衰執政七

年八月襄公卒太子夷臯少晉人以難故服虔曰晉國數有患難

欲立長君趙盾曰立襄公弟雍好善而長先君愛之且

近於秦秦故好也立善則固事長則順奉愛則孝結舊

好則安賈季曰不如其也樂辰嬴嬖於二君服虔曰辰嬴懷嬴也

二君懷立其子民必安之趙盾曰辰嬴賤班在九人下

服虔曰班次也其子何震之有且為二君嬖淫也為先君子正義

日樂文不能求大而出在小國僻也毋淫子僻無威陳

小而遠無援將何可乎使士會如秦迎公子雍賈季亦

使人召公子樂於陳趙盾嬖賈季以其殺陽處父左傳

時賈他為太師陽處父為太傅十月葬襄公十一月賈季奔翟是歲秦

穆公亦卒靈公元年四月秦康公曰昔文公之人也無

衛故有呂卻之患乃多與公子雍衛太子母繆嬴日夜

抱太子以號泣於朝曰先君何罪其嗣亦何罪舍適而

外求君將安置此服虔曰此太子出朝則抱以適趙盾所頓首

曰先君奉此子而屬之子曰此子材吾受其賜不材吾

怨子王肅曰怨其教導不至也今君卒言猶在耳而棄之若何趙盾

與諸大夫皆患穆嬴且畏誅乃背所迎而立太子夷臯



是為靈公發兵以距秦送公子雍者趙盾為將往擊秦

敗之令狐先蔑隨會亡奔秦秋齊宋衛鄭曹許君皆會

趙盾盟於扈杜預曰鄭地榮陽卷縣西北有扈亭以靈公初立故也四年

伐秦取少梁秦亦取晉之郟六年秦康公伐晉取羈馬

晉侯怒使趙盾趙穿卻缺擊秦大戰河曲趙穿最有功

七年晉六卿患隨會之在秦常為晉亂乃詳令魏壽餘

反晉降秦秦使隨會之魏因執會以歸晉八年周頃王

崩公卿爭權故不赴索隱曰春秋魯文十二年頃王崩周公閱與王孫蘇爭政故不赴是

也晉使趙盾以車八百乘平周亂而立匡王索隱曰左傳文十四年晉趙盾以諸侯之師六百乘納捷菑于邾不克乃還而周公閱與王孫蘇訟于晉趙宣子平土室而復之則

以車八百乘自是宣子納邾捷菑不

關王室之事但文相連耳恐此誤

是年楚莊王初即位十二年齊人弑其君懿公十四年靈公壯侈厚歛以

彫墻從臺上彈人觀其避丸也宰夫𪔐熊蹯不熟服虔曰蹯

熊掌其肉難熟○止靈公怒殺宰夫使婦人持其屍出

棄之過朝趙盾隨會前數諫不聽已又見死人手二人

前諫隨會先諫不聽靈公患之使鉏麇刺趙盾賈逵曰鉏麇晉

力士○正義曰盾閨門開居處節鉏麇退歎曰殺忠臣

棄君命罪一也遂觸樹而死初盾常田首山徐廣曰蒲坂縣有雷

首見桑下有餓人餓人示眯明也索隱曰鄒誕生音云

提彌明也提音甫移及劉氏亦音祁為時移及則祁提

二字同音也而凡史記作示者示即周禮古本地神曰

萬曆二十六年刊



視皆作示字鄭為祁者蓋由祁提音相近字遂變為祁也昧音米移反以昧為彌亦音相近耳又據左氏宣公二年桑下餓人是靈輒也其示昧明是喉蔡盾與之食者也昧明闕而死今合二人為一人殆非也食其半問其故曰宦三年未知母之存不願遺母盾義之益與之飯肉已而為晉宰夫趙盾弗復知也九月晉靈公飲趙盾酒伏甲將攻盾公宰示昧明知之恐盾醉不能起而進曰君賜臣觴三行可以罷欲以去趙盾令先毋及難盾既去靈公伏士未會先縱齧狗名敖何休曰犬四尺明為盾搏殺狗盾曰棄人用狗雖猛何為然不知明之為陰德也已而靈公縱伏士出逐趙盾示昧明反擊靈公之伏士伏士不能進而竟脫盾盾問其故曰我

桑下餓人問其名弗告明亦因亡去盾遂奔未出晉境

乙丑盾昆弟將軍趙穿襲殺靈公於桃園虞翻曰園名也而迎

趙盾趙盾素貴得民和靈公少侈民不附故為弑易盾

復位晉太史董狐書曰趙盾弑其君以視於朝盾曰弑

者趙穿我無罪太史曰子為正卿而亡不出境反不誅

國亂非子而誰孔子聞之曰董狐古之良史也書法不

隱宣子良大夫也為法受惡惜也出疆乃免杜預曰越境則君臣

之義絕可以不討賊也趙盾使趙穿迎襄公弟黑臀于周而立之

是為成公成公者文公少子其母周女也壬申朝于武

宮成公元年賜趙氏為公族伐鄭鄭倍晉故也三年鄭



伯初立附晉而棄楚楚怒伐鄭晉往救之六年伐秦虜  
秦將赤七年成公與楚莊王爭疆會諸侯于扈陳畏楚  
不會晉使中行栢子伐陳索隱曰栢子荀林父也因救鄭與楚戰  
敗楚師是年成公卒子景公據立景公元年春陳大夫  
夏徵舒弒其君靈公二年楚莊王伐陳誅徵舒三年楚  
莊王圍鄭鄭告急晉晉使荀林父將中軍隨會將上軍  
趙朔將下軍卻克欒書先穀韓厥鞏翬朔佐之六月至河  
聞楚已服鄭鄭伯肉袒與盟而去荀林父欲還先穀曰  
凡來救鄭不至不可將率離心卒度河楚已服鄭欲飲  
馬于河爲名而去楚與晉軍六戰鄭新附楚畏之反助

楚攻晉晉軍敗走河爭度船中人指甚衆楚虜我將智  
筮歸而林父曰臣爲督將軍敗當誅請死景公欲許之  
隨會曰昔文公之與楚戰城濮成王歸殺子玉而文公  
乃喜今楚已敗我師又誅其將是助楚殺仇也乃止四  
季先穀以首計而敗晉軍河上恐誅乃奔翟與翟謀伐  
晉晉覺乃族穀穀先軫子也五年伐鄭爲助楚故也是  
時楚莊王彊以挫晉兵河上也六年楚伐宋宋來告急  
晉晉欲救之伯宗謀曰賈逵曰伯宗晉大夫楚天方開之不可當  
乃使解揚給爲救宋服虔曰解揚晉大夫鄭人執與楚楚厚賜使  
反其言令宋急下解揚給許之卒致晉君言楚欲殺之



或諫乃歸解揚七年晉使隨會滅赤狄八年使卻克於齊齊頃公母從樓上觀而笑之所以然者卻克僂而魯使蹇衛使眇故齊亦令人如之以導客卻克怒歸至河上曰不報齊者河伯視之至國請君欲伐齊景公問知其故曰子之怨安足以煩國弗聽魏文子請老休辟卻克克執政九年楚莊王卒晉伐齊齊使太子彊為質於晉晉兵罷十一年春齊伐魯取隆索隱曰劉氏云隆即龍也魯北有隆山又此年當魯成二年經書齊侯伐我北鄙傳曰圍龍又鄒誕及別本作侑字侑當作鄒文十二年季孫行父帥師城諸及鄆鄆即侑也字變耳地理志云在東宛縣東魯告急衛衛與魯皆因卻克告急於晉乃使卻克樂書韓厥以兵車八百乘與魯衛

共伐齊夏與頃公戰於鞏地名傷因頃公頃公乃與其右

易位下取飲以得脫去齊師敗走晉追北至齊頃公獻

寶器以求平不聽卻克曰必得蕭桐姪子為質索隱曰傳作叔

子齊使曰蕭桐姪子頃公母頃公母猶晉君母奈何必

得之不義請復戰晉乃許與平而去楚申公巫臣盜夏

姬以奔晉晉以巫臣為邢大夫賈逵曰邢晉邑十二年冬齊頃

公如晉欲上尊晉景公為王景公讓不敢晉始作六卿

賈逵曰初作六軍借王也韓厥鞏朔趙穿荀躄趙括趙旃皆為卿索隱曰

日躄音佳智瑩自楚歸十三年魯成公朝晉晉弗敬魯

怒去倍晉晉伐鄭取汜十四年梁山崩公羊傳曰梁山河上山杜預曰



在馬翊夏陽縣北也問伯宗伯宗以為不足怪也徐廣曰年表云伯宗隱其人用

其言十六年楚將子反怨巫臣滅其族巫臣怒遺子反書

曰必令子罷於奔命乃請使吳令其子為吳行人教吳

乘車用兵吳晉始通約伐楚十七年誅趙同趙括族滅

之韓厥曰趙衰趙盾之功豈可忘乎奈何絕祀乃復令

趙庶子武為趙後復與之邑十九年夏景公病立其太

子壽曼為君是為厲公後月餘景公卒厲公元年初立

欲和諸侯與秦桓公夾河而盟歸而秦倍盟與翟謀伐

晉三年使呂相讓秦賈逵曰呂相晉大夫因與諸侯伐秦至涇敗

秦於麻隧虜其將成差五年三郤讒伯宗殺之賈逵曰三郤郤

錡郤犇伯宗以好直諫得此禍國人以是不附厲公六

年春鄭倍晉與楚盟晉怒樂書曰不可以當吾世而失

諸侯乃發兵厲公自將五月渡河聞楚兵來救范文子

請公欲還郤至曰發兵誅逆見疆辟之無以令諸侯遂

與戰癸巳射中楚共王目楚兵敗於鄢陵徐廣曰一作馬服度曰鄢

陵鄭之東南地也子反收餘兵拊循欲復戰晉患之共王召子

反其侍者豎陽穀進酒子反醉不能見王怒讓子反子

反死王遂引兵歸晉由此威諸侯欲以令天下求霸厲

公多外嬖姬歸欲盡去羣大夫而立諸姬兄弟寵姬兄

曰胥童嘗與郤至有怨及樂書又怨郤至不用其計而



遂敗楚

左傳曰樂書欲待楚師退而擊之郤至云楚有六間不可失也

乃使人間謝楚

楚來詐厲公曰鄢陵之戰實至召楚欲作亂內子周立

之會與國不具是以事不成厲公告樂書樂書曰其殆

有矣願公試使人之周微考之果使郤至於周樂書又

使公子周見郤至郤至不知見賣也厲公驗之信然遂

怨郤至欲殺之八年厲公獵與姬飲郤至殺豕奉進宦

者奪之

索隱曰宦者孟張

郤至射殺宦者公怒曰季子欺予

曰公反以為

將誅三郤未發也郤錡欲攻公曰我雖死

公亦病矣郤至曰信不反君智不害民勇不作亂失此

三者誰與我我死耳十二月壬午公令胥童以兵八百

人襲攻殺三郤胥童因以劫樂書中行偃于朝曰不殺

二子患必及公公曰一旦殺三卿寡人不忍益也對曰

人將恐君

杜預曰人謂書偃

公弗聽謝樂書等以誅郤氏罪大

夫復位二子頓首曰幸甚幸甚公使胥童為卿閏月乙

卯厲公游匠驪氏

賈逵曰匠驪氏晉外嬖大夫在翼者

樂書中行偃以其

黨襲捕厲公囚之殺胥童而使人迎公子周

周而立之是為悼公悼公元年正月庚申樂書中行偃

弒厲公葬之

左傳曰葬之于翼東門之外

以一乘車

杜預曰言不以禮葬也諸侯

葬車

厲公囚六日死死十日庚午智瑩迎公子周來至

絳刑雞與大夫盟而立之是為悼公辛巳朝武宮二月



乙酉即位悼公周者其大父捷晉襄公少子也不得立  
號為相叔相叔最愛相叔生惠伯談談生悼公周周之  
立年十四矣悼公曰大父父皆不得立而辟難於周客  
死焉寡人自以踈遠母幾為君索隱曰幾音冀謂望也今大夫不  
忘文襄之意而惠立相叔之後賴宗廟大夫之靈得奉  
晉祀豈敢不戰戰乎大夫其亦佐寡人於是逐不臣者  
七人脩舊功施德惠收文公入時功臣後秋伐鄭鄭師  
敗遂至陳三年晉會諸侯悼公問羣臣可用者祁僎舉  
解孤解孤僎之仇復問舉其子祁午君子曰祁僎可謂  
不黨矣外舉不隱仇內舉不隱子方會諸侯悼公弟揚

于亂行賈逵曰行陳也魏絳戮其僕賈逵曰僕御也悼公怒或諫公公

卒賢絳任之政使和戎戎大親附十一年悼公曰自吾

用魏絳九合諸侯服虔曰九合一謂會于成二會城棣

于戲六會于相七戌鄭虎牢八和戎翟魏子之力也賜

之樂三讓乃受之冬秦取我櫟索隱曰音歷釋例云在河北地關十四

年晉使六卿率諸侯伐秦度涇大敗秦軍至棧林而去

十五年悼公問治國於師曠師曠曰唯仁義為本冬悼

公卒子平公彪立平公元年伐齊齊靈公與戰靡下徐廣

曰靡一作歷○索隱曰劉氏靡音眉綺反即靡笄也齊師敗走晏嬰曰君亦毋勇

何不止戰遂去晉追遂圍臨菑盡燒屠其郭中東至膠



南至沂齊皆城守晉乃引兵歸六年魯襄公朝晉晉樂  
逞有罪奔齊八年齊莊公微遣樂逞於曲沃以兵隨之  
齊兵上太行樂逞從曲沃中反襲入絳不戒平公欲自  
殺范獻子止公以其徒擊逞逞敗走曲沃曲沃攻逞逞  
死遂滅欒氏宗逞者欒書孫也左傳逞作盈其入絳與魏氏  
謀齊莊公聞逞敗乃還取晉之朝歌去以報臨菑之役  
也十年齊崔杼弑其君莊公晉因齊亂伐敗齊於高唐  
去報太行之役也十四年吳延陵季子來使與趙文子  
韓宣子魏獻子語曰晉國之政卒歸此三家矣十九年  
齊使晏嬰如晉與叔嚮語叔嚮曰晉季世也公厚賦爲

臺池而不恤政政在私門其可久乎晏子然之二十二

年伐燕二十六年平公卒子昭公夷立昭公六年卒六

卿彊公室卑

索隱曰韓趙魏范中行及晉氏爲六卿子後韓趙魏爲三卿而公晉政故曰三晉

頃公去疾立頃公六年周景王崩王子爭立晉六卿平

王室亂立敬王九年魯季氏逐其君昭公昭公居乾侯

十一年衛宋使使請晉納魯君季平子私賂范獻子獻

子受之乃謂晉君曰季氏無罪不果入魯君十二年晉

之宗家祁傒孫叔嚮子相惡於君六卿欲弱公室乃遂

以法盡滅其族而分其邑爲十縣各令其子爲大夫晉

益弱六卿皆大十四年頃公卒子定公午立定公十一



年魯陽虎奔晉趙鞅簡子舍之十二年孔子相魯十五年趙鞅使邯鄲大夫午不信欲殺午午與中行寅范吉射親攻趙鞅索隱曰寅荀偃之孫射音亦范獻子士鞅之子鞅走保晉陽定公圍晉陽荀欒韓不信魏侈與范中行為仇乃移兵伐范中行范中行反晉君擊之敗范中行走朝歌保之韓魏為趙鞅謝晉君乃赦趙鞅復位二十二年晉敗范中行氏二子奔齊三十年定公與吳王夫差會黃池爭長趙鞅時從卒長吳三十一年齊田常弒其君簡公而立簡公弟騫為平公三十三年孔子卒二十七年定公卒子出公鑿立出公十七年知伯與趙韓魏共分范

中行地以為邑出公怒告齊魯欲以伐四卿

索隱曰時趙魏韓共

滅范氏及中行氏而分其地猶有智氏與二晉故云四卿

四卿恐遂又攻出公出公

奔齊道死故知伯乃立昭公會孫驕為晉君是為哀公

哀公大父雍晉昭公少子也號為戴子

徐廣曰世本作相子雍注云戴

子戴子生忌忌善知伯早死故知伯欲盡并晉未敢乃

立忌子驕為君當是時晉國政皆決知伯晉哀公不得

有所制知伯遂有范中行地最彊哀公四年趙襄子韓

康子魏栢子共殺知伯盡并其地十八年哀公卒子幽

公柳立幽公之時晉畏反朝韓趙魏之君獨有絳曲沃

餘皆入三晉十五年魏文侯初立

索隱曰按紀年魏文侯初立在敬公十八



年十八年幽公淫婦人夜竊出邑中盜殺幽公案隱曰紀年云

夫人秦嬴賊公於高寢之上魏文侯以兵誅晉亂立幽公子止是為

烈公案隱曰系本幽公生烈成公止又烈公十九年周

威烈王賜趙韓魏皆命為諸侯二十七年烈公卒子孝

公頎立孝公九年魏武侯初立襲邯鄲不勝而去十七

年孝公卒案隱曰紀年云相公二十年趙成侯韓子靜

公俱酒立案隱曰系本是歲齊威王元年也靜公二年

魏武侯韓哀侯趙敬侯滅晉後而三分其地案隱曰紀年云魏武

侯以相公十九年卒韓哀侯趙敬侯並以相公十五年卒又趙系家列侯十六年與韓分晉封晉君端氏其後

十年肅侯徙晉於也留不同也靜公遷為家人晉絕不祀

太史公曰晉文公古所謂明君也亡居外十九年至困約及即位而行賞尚忘介子推况驕主乎靈公既弒其後成景至嚴至厲太刻大夫懼誅禍作悼公以後日衰六卿專權故君道之御其臣下固不易哉

索隱述贊曰

天命叔虞 卒封於唐 桐圭既削

河汾是荒 文侯雖嗣 曲沃日彊

未知本末 祚傾相莊 獻公昏惑

太子懼殃 重耳致霸 朝周河陽

靈既喪德 厲亦無防 四卿侵侮



晉祚遽亡


史記卷三十九

世家

三十九

史記卷三十九終





133X
8
25